

सानसेयारि 'बड'सा खौरांलाइयाव
अमाज्यादि जिज्जो लोब्बा थानाय रायथाय, अन्थाय,
अल', अल'बाथा आरो दावबायारि थावनि, पार्क
बाइदिनि आयाव लिन्नाय लिन्दिबां दैथाय हर।
सानसेयारि 'बड'सा खौरांलाइया सेबखानाबि
फोसावगोन।

बड'सायाव लिन्नायवि हुबा खालाम,
'बड'सा खौरां नोथो, जो बयबो आंगो खालाम।

सानसेयारि बड'सा माखुलि

माइबं नोगार, जोहोलाव दैमालु लामा

कक्राझार, बिटिम-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Saturday ★ 26 June, 2021 Kokrajhar, BTC, Assam ★ Vol.- 31, Issue No. 91 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गिबि मन्थिआ राइज्योनि सोलिफु कभिड-19 थासारि आरो भेक्सिनेसन होनाय आयदाखौ खौरां लादों

गोखों माइक्र कन्टेनमेन्ट गाइडलाइन फोसावनो गिबि मन्थिनि बिथोन

दिसपुर, 25 जून: आसामनि गिबि मन्थि ड॰ हिमन्त बिश्व शर्माया दिने जनता भवनआव गावनि मावखुलिनिफ्राय भिडिअ कन्फरेन्सनि गेजेरजों राइज्योनि गासै जिल्ला बेंगिरि, एसपि आरो जिल्ला देहा मावखुलिनिफोरेजों राइज्योनि सोलिफु कभिड-19 नि थासारि आरो भेक्सिनेसन होगासिनो थानाय आयदानि सायाव खौरां लादों। राइज्योनि सोलिफु



कभिड-19 थासारिखौ खौरां लानायनि उनाव गिबि मन्थि शर्माया दासान्दि जेराव पजिटिभिन हारआ बांसिनै जादों आरो माइक्र कन्टेनमेन्ट जन फोसावदों बेफोर माइक्र कन्टेनमेन्ट जनफोरनि थाखाय गोखों गाइडलाइन फोसावनो जिल्ला बेंगिरिफोरेखौ बिथोन होयो। लोगोसे दासान्दि राइज्योनाडें सोलिफासिनो (□ 5 बिलाइआव)

मरिगाव जिल्लानि भुरागावआव दावबायहेनानै 20 जुनाव सोमजिनाय जाथायनि सायाव सुलु लाहैयो गिबि मन्थिआ

गिबि मन्थिआ खाफाल हावरिया उन्दै बैसोनि हिन्जावसानि बिफा-बिमाजों सावरायलायदों

गिबि मन्थिआ खाफाल हावरिया उन्दै बैसोनि हिन्जावसानि बिफा-बिमाजों सावरायलायदों दिसपुर, 25 जून: गिबि मन्थि ड॰ हिमन्त बिश्व शर्माया दिने मरिगाव जिल्लानि भुरागावआव दावबायहेनानै थानाय 20 जुनखानि धोरोमारि बाइइ सुबुं सानखो हारिनि उन्दै बासोनि हिन्जावसाखौ सहायथावै उदखार खालामनानै चुथारनाय जाथायनि नायबिजिरनायनि सायाव सुलु लाहैयो। गिबि



मन्थिआ मरिगाव जिल्लानि पुलिस बिबानगिरि अपर्ना नटराजननो बे जाथायजों लोब्बा थानाय दायनिगिरिफोरखौ

थाबैनो हमनायजों लोगोसे दायनिगिरिफोरखौ आयननि बायदियै साजा होनो थाखाय गोनाथि बायदियै राहा लानो बिथोन होयो। गिबि मन्थिआ खाफाल हावरिया उन्दै बैसोनि (□ 5 बिलाइआव)

बिपिएफ देलोआ गिबि मन्थिनो 25 लाख रांनि चेक बिलाइ गथायदों



कक्राझार, 25 जून: हादरनि गुबुन गुबुन राइज्योफोरजों लोगोसे आसामआवबो गिखंथाव कभिड-19 नि सागलोबनाया गिथाव महर लानाय हिसाबै राइज्यो सरकारआ कभिड-19 नि हेंथायै जुजिनो थाखाय नारा-नाथा नाजाथावबाय थादों। राइज्यो सरकार आरो देहा बिफाननि गोखों नोजेर आरो राहा लानायनि गेजेरजों दासान्दि आसामाव कभिड-19 नि सागलोबनाया थानाय माखासे सानफोरनिफ्राय बाइइ जाबोगासिनो थानायखौबो नुनो मोन्दों। बे खेफोदिनि समाव राइज्योनि गोबां दैदेनगिरि, आफाद गौथुम, साखि-आवला आरो सरसन्ना सुबुंफोर (□ 5 बिलाइआव)

रन्साइधामआव दुथांफोरा सासे फोरोंगिरिजोनिफ्राय स'नानि चैनखौ सिख'दों बासुगाव, 25 जून: चिरां जिल्लानि बासुगाव पुलिस थानानि सिडाव थानाय रन्साइधामआव सानावनो सासे फोरोंगिरिजोनिफ्राय स्कुटि सालायफुबाय थानाय समावनो स'नानि चैनखौ सिनाय मोने दुथांफोरा सिख'नानै लाडो। रन्साइधामआव थानाय गेवलां गोजौ फरायसालिनि फोरोंगिरिजो सुनिला गयारीआ बासुगाव सोहोरनि 3 नं वाईआव थानाय गावनि (□ 5 बिलाइआव)

रन्साइधामआव दुथांफोरा सासे फोरोंगिरिजोनिफ्राय स'नानि चैनखौ सिख'दों

बासुगाव, 25 जून: चिरां जिल्लानि बासुगाव पुलिस थानानि सिडाव थानाय रन्साइधामआव सानावनो सासे फोरोंगिरिजोनिफ्राय स्कुटि सालायफुबाय थानाय समावनो स'नानि चैनखौ सिनाय मोने दुथांफोरा सिख'नानै लाडो। रन्साइधामआव थानाय गेवलां गोजौ फरायसालिनि फोरोंगिरिजो सुनिला गयारीआ बासुगाव सोहोरनि 3 नं वाईआव थानाय गावनि (□ 5 बिलाइआव)

बडइगाव रिफाइनारि आरो बडइगाव जिल्ला खुंथायनि गेजेराव एमअइउनि रादाय

दिसपुर, 25 जून: आसामनि गिबि मन्थि ड॰ हिमन्त बिश्व शर्मानि नुजाथिनायाव दिने गुवाहाटीनि जनता भवनआव सिएमअ कन्फरेन्स थाखाय इन्डियान अयेल कर्परेसन लिमिटेड, बडइगाव रिफाइनारि आरो बडइगाव जिल्ला खुंथायनि गेजेराव दिने मेम'रन्डाम अफ आन्डारस्टेन्डिं (एमअइउ) नि रादायनि सही खालामो। बे रादाय बादियै बडइगाव रिफाइनारिआ बडइगाव सिभिल देहा फाहामसाहिल आ व (□ 5 बिलाइआव)



2,79,66,000 रां खरसा खालामनानै गंसे मेडिकेल अक्सिजेन जेनेरेसन प्लान्ट फसनायनि थाखाय फान्ड जगायनानै होगोन आरो बडइगाव

निउटिसन रिहाबिलिटेसन सेन्टर फरसो थाखाय रंखाथि अन्नुथाय होदों। सोलिफु खेफोदिनि समाव इनप्रप्रस्ट्रक्सारनि थाखाय बे बादि गेदेर हेफाजाब होनो सिमांनयनि थाखाय गिबि मन्थि शर्माया बडइगाव रिफाइनारिनिमिस साबायख'र जासिदों। जाय हेफाजाब होनाया जिल्लानि थाखाय गोबांथार मुलाम्त्र जागोन एबा जिल्ला देहा बिफाननि (□ 5 बिलाइआव)

कालाइगाव जौगाखां खोन्दोआव अरायथा बि डि अ थिसननांगोनि दाबि देखांदों राइजो-राजाफोरा

उदालगुरि, 25 जून: उदालगुरि जिल्लानि कालाइगाव जौगाखां खोन्दोआव अरायथा बि डि अ गैयैयाव गामियारि ओन्सोलाव गासैबो रोखोमनि बिथांखिनि जौगाखां खामानिफोरा थाबथानानै थादों। (□ 5 बिलाइआव)

तामुलपुरआव गामियारि जौगाखां मन्च आरो अक्सन एड्डआ कभिड- 19नि सांग्राथियारि हाबाफारि खुंदो

तामुलपुर, 25 जून: कभिड-19 नि नैथि दोहोआ हादोरजों लोगोसे आसामावबो गोखोडै सागलोबसारदों। आधिखालाव सोहोर ओन्सोलाव कभिडनि सागलोबसारनाया एसे खम जादोंब्लाबो गामियारि ओन्सोलफोराव दासिमबो सागलोबसारनाया खम जायाखै। गामियारि ओन्सोलनि (□ 5 बिलाइआव)

कक्राझारनि सासे लाइमोनआ इन्डियान बुक अफ रेकर्डआव मुं आवगिनो हादों

कक्राझार, 25 जून: बिटिआरनि बिखा कक्राझार नोगोरनि नोगोरारिफोरनि गेजेराव मोनसे गोग्गानाय आरो गोजोन्थाव खौरां लाबोदों आरियान शर्मा मुनि सासे लाइमोनआ। कक्राझार सहरनि सुभाष कलनीनि थागिबि राहुल शर्मा आरो चन्दा शर्मानि फिसान्जा आरियान शर्माया गावनि मबाइलजों बिफा-लाइफां, बिबार आरो बायदि मिथिंगायारि सावगारि सेबखानायनि थाखाय इन्डिया (□ 5 बिलाइआव)



बुक अफ रेकर्ड-2021 आव मुं आवगिनो हादों। गोग्गाथाव (□ 5 बिलाइआव)

समवारनिफ्राय आसामनि मोनथाम जिल्ला आरो मोनसे महकुमायाव आबुं लकडाउन

गुवाहाटी, 25 जून: आसाम सरकारआ कभिड-19 नि पजिटिभिन हारआ बांसिनगसिनो थानायखौ नोजेर होनानै राइज्योनि दरथाम जिल्ला आरो मोनसे महकुमायाव आबुं लकडाउन खालामनो थांखि लादों। सरकारनि थांखि लानाय बादियै राइज्योनि दरथाम जिल्ला फारियै गवालपार, बिस्वनाथ आरो मरिगावआव फैगो 28 जून समवारनिफ्राय आबुं लकडाउन थागोन। एरैहाय गलाघाट जिल्लानि बकाकात महकुमायावबो सरकारआ आबुं लकडाउन खालामनो थांखि लादों। बे दरथाम जिल्ला आरो मोनसे महकुमायाव 1 सप्ताहनि थाखाय आबुं लकडाउन (□ 5 बिलाइआव)

बाक्सानि कुमारिकाता सेसापानीआव सिमला पुलिसनि गोखों अभियान गोबां लाख रांनि ड्रागसजों लोगोसे साब्रै ड्रागस फालांगिरिफोरा पुलिसनि जेआव



तामुलपुर, 25 जून: बाक्सा पुलिसनि गुबुन मोनसेबाव जाफुंसारनाय बाक्सा जिल्लानि

सिमला पुलिसनि मोनसे हान्जाया कुमारिकाता सेसापानीनिआव सिप्रोमनायनि

गेजेरजों साब्रै लाइमोननिफ्राय बोखानो हायो गोबां बिबांनि ब्राउन सुगार, हेर'इन, ड्रागसनि आबुं कन्टेनार, गं 5 मबाइल, गंसे बेसेन गोसा, साखा खबब्रै गारिजों लोगोसे गंथाम मथर साइकेल। ड्रागस फालांगि खालामग्रा साब्रै सुबुंफोरखौबो पुलिसआ खायो। हमजानाय सुबुंफोरखौ थुलुंगा बसुमतारि, मानस प्रतिम सैतेन्द्र, महाम्मद (□ 5 बिलाइआव)

फकिराग्रामआव स्वागत एन जि अआ सेनिटाइज खालामदों



कक्राझार, 25 जून: कक्राझार जिल्लानि सिडाव थानाय फकिराग्रामनि फसंथान स्वागत एनजिअनिफ्राय सोलिफु गिखंथाव कभिड-19 नि समाव जायगानि खुंथायखौ हेफाजाब खालामनाय आरो सुबुंफोरखौ बे गिखंथाव भाइरासनिफ्राय रैखा मोनहोनायनि गुबै थांखिजों फकिराग्रामआव सेनिटाइज खालामनाय हाबाफारि बान्जायदों। स्वागत एनजिअनि बान्जायनाय बे सेनिटाइज खालामनाय हाबाफारिखौ बेखेवनानै होदों बिटिसिनि देहा बिफाननि मावफुं सोद्रोमा अरुप कुमार देआ। (□ 5 बिलाइआव)

बार्तापखिलिआ आसामनि गिबि मन्थि ड॰ हिमन्त बिश्व शर्माखौ मान बाउदों

मुसलपुर, 25 जून: राव-थुनलाइ-हारिमु आयदानि लाइसि 'बार्तापखिलि'आ आसामनि गिबि मन्थि ड॰ हिमन्त बिश्व शर्माखौ थानाय बृहस्पतिवारखालि बिथानि सरकारि मावख'आव लोगो हमहै नानै



हामब्लायथि बाउनायजों लोगोसे थानाय दानसेयाव बिथाडा थि महरै सरकार सामब्लायनायनि थाखायबो हामब्लायथि बाउवो। बे लाइसिनि नेहाथारि प्रजेन्द्रनाथ डेका आरो मावफुं नेहाथारि गपाल जालानआ (□ 5 बिलाइआव)

गसाइगावआव बि जे पिआ गोसोम सान फालिदों

गसाइगाव, 25 जून: हादोर आरो राज्योनि दाब दाब जायगायाव दिनेनि सान एबा 25 जूनखौ बि जे पिनि मावथिफोरा गोसोम सान महरै फालियो। भारतारि राजखास्थियारि जारिमिनाव मोनसे दागो गोनां आयदा महरै 1975 माइथायनि 25 जूनखालि सिनायथि जादोंमोन। 1975 माइथायनि भारतनि गाहाय मन्थि इन्दिरा गांधीनि सुबुंथि आरो खास्थिनि हेंथायै डिक्लेटसिपनि थि महर इमार्जेन्सि फोसावनाय 25 जूननि सानखौ (□ 5 बिलाइआव)



कक्राझारआव ड्रागस सोबग्रा साथाम लाइमोनफोरखौ हमदों

कक्राझार, 25 जून: दासान्दि राइज्योनाडेंनो आसाम पुलिसआ ड्रागस फालांगि खालामनाय आरो ड्रागस बाहायनायनि हेंथायै थाद 'नाय गैयै नायबिजिरबोबाय थानायनि गेजेरजों दासिम गोबां ड्रागस फालांगिरि आरो ड्रागसफोरखौ बोखानो हानायाव जाफुंसार जानो हादों। राइज्योनि दाब-दाब जिल्लाफोराव पुलिसआ ड्रागसनि हेंथायै सिप्रोमनाय आरो नायबिजिरनाय हाबाफारि बान्जायनाय बादिनो कक्राझार पुलिसआबो बे बेलेयाव उन जानानै थायाखै। गाबोन 26 जून थामहिना एन्टि ड्रागस डेनि सिगां सिगां कक्राझारआव पुलिसनि मोनसे जाफुंसारनाय। मोनसे सुलुखौ बिथा खालामनानै संदानायनि गेजेरजों कक्राझार पुलिसआ साथाम ड्रागस सोबग्रा लाइमोनफोरखौ हमनो हादों। हमजानाय ड्रागस सोबग्रा लाइमोनफोरखौ कक्राझार सहरजों नांजावनाय हाबुबारि(फरेस्ट कलनी)नि थागिबि रंसारि निर्मल कुमार ब्रह्मनि (□ 5 बिलाइआव)



सुजुगिरिनि खोलोम ना, दैनि आंखाल

बोथोर फैब्लानो हाख 'र-हाला, गरखायनिफ्राय लानानै दैमा-दैसा, बिलो, फुखि, जाम्फै, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादिनि थाखाय गहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख 'र-गरखाय, दैसा, जाम्फै, बिलो आरो ओरैरो बोहैलांगरानाय दैफ्रावबो ना-साम'-खांखायनि आंखाल नुजायामोन। खालिबोल' गोनानि जायोमोन हमनानै लाबोनानि। ना हमनो थाखायबो गोदो-गोदायनिफ्राय बाहायनानै फेनाय सेन, खखा, खाखि, जेखाइ, पत' फोरजोनो सानानै हमनानै सल, बालि, नास्राइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। आथिखालाव दसै टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजोनो ना ओंखिनि आइटेमखौ फोलोमनांगो जानानै फेयो। सुबु देहानि थाखाय नानि गोनाथियाबो एसेल' नड। नाथाय मोनांगोयासो गोब्राव जानानै फेबाय। नानि आंखाल फोलोमनो राइज्योयाव बोसोरे बोसोर गुबुन गुबुन राइज्योनिफ्राय लाबोनानै नानि आंखालखौ फोलोम फेनाय जायो होन्ना नै मिबथि मोनो।

ना-साम'-खांखाय गोमालानायनि जाहोन एबा जोबनानै थोब्ले-माब्ले जानायनि गुदिखौ गोबाडनो बाइदिसिना जाहोन आरो बिजाउन होन्नानै फोरमायबोदों। बेफोरनो जाहैबाय दैसा-जाम्फै, बिलो, हाख 'र-हालाफ्रा लासैये सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालानायजों लोमोसे बेफोरनि बांसिनानो दडब्लाबो दै गैयै थायै जानानै फेनाय। दै गैयाब्ला ना-साम'-खांखायफ्रा बबेनिफ्राय थाफेनो आरो बोरै फोलेर एरनो। फासैथि मिथिंगा बिखायाव सिगांनि बादि अखादैजों आबुं जानानै थालिया। दैज्नां बोथोराव अखा हानानै थानाय दैयाबो दैज्नां बारनाय लोमो-लोमोनो राननानै गोरान जालाडे।

गुबुन मोनसे जाहोनखौ दैज्नां हाबनाय लोमो लोमो अखा हादैनि जावरिनायजों जेराव बिलो, दैसा-जाम्फैफोर दं बेफोर दैसा बिलोफ्राव फुवान होनाय ना आरो बिदे गोनं नाफोरखौ गोबों जेजों बोखानाय आरो मुलि-बिषो होनानै हमनायाव नानि जोलै एरनायाव हेंथा फेनायखायनो ना-साम' खांखायनि बिबाड सानफा-एफायैनो बाडय जाबोनानै आंखालनि महर लाफेदों।

मिथिंगा बिखाया बिफां-लाइफां, हाग्रा-बंग्राजों थाजिम सोमखै महरै थायोब्लासो अखा-बांखा हानाय आरो बैसोमुथि बिखाया थाजिमै-थानो हागोन। अब्लासो दैसा, बिलो हाख 'र, हाला, जाम्फैफ्रावबो दै बोहैगोन-ना साम', खांखाय आरिफ्राबो दैयाव थानानैनो फोलेर एरहोनायनि खाबु मोनगोन अब्लासो फारफ्रोम बिथिनि थाथाया सरसन्सायाव फेनिफगोन। ना-साम'-खांखायनि आंखालखौबो एफा-एनैयै फोलोमनायनि लामा मोनफिन्नायनि राहा थाहैगोन।


दिनैनि फानजामुथि

राशि बाइदियै मुनि गिबि हांखो
 मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष :** बबेबा गोजान जायगायाव दावबाय हैनानो हागौ। जेरावखि दावबाया सांरां जानांगोन।
- वृष :** नख 'रनि माखौबा लानानै बिसि-फिसाय नांलायनाय सोमजिनो हागौ। गोसोखौ हमथानांगोन।
- मिथुन :** माबाफोर मुवा गोमाजानो हागौ। जैरेबो सांरां जानांगोन। गोसोखौ सांथि मोन्नाय नड।
- कर्कट :** नख 'रनि बयजोंबो अनलायनानै थानो हागोन। नख 'र संसारा जोगाखानो हागोन। मोजां सान।
- सिंह :** गोसोआ माखौबा लानानै अहंकार आखुनि जानो हागौ। गोसोखौ धैज्य हमनानै सामलायनाया मोजां।
- कन्या :** गोसो जानाय बायदि साजायनानै लानो हागोन। फारफ्रोमथिनिफ्रायबो गोजोना फेगोन।
- तुला :** गुबुनफोरनि सिं जानानै थानानो हागौ। जेखियानो जाया गोसोखौ लोरबां दाखालाम।
- वृश्चिक :** सोरनिबा अन्नाय, बोसोन होनायाव गोसोआव थुलुंगाखानाय फेगोन। गोजोन मोनगोन।
- धनु :** सोरजोंबा बायदिसिना होन्नानै बांसाव जानो हागौ। गोसोखौ धैज्य हमनानै थानाया मोजां।
- मकर :** जेखि मावा फालांगिआव मुलाम्फा मोन्नो हागौ। रांखावरिया आय जागोन। मोजां सम।
- कुम्भ :** मानिवा थाखाय बहाबा थानानो हागौ। रां खरसा जानो हागौ। साबधान जानाया मोजां।
- मीन :** नख 'रव जोनोम होनांगो बिमाफोर दंक्ला फिसाखौ मोन्नो हागोन। गोजोन फेगोन।

हादतगिरि रामनाथ कबिन्दआ प्रेसिडेन्सियेल ट्रेनजों दावबायदों

गोदान दिल्ली, 25 जुन : हादतगिरि रामनाथ कबिन्दआ प्रेसिडेन्सियेल ट्रेनजों कानपुरआव सौहैबाय। बेवहाय हादतगिरि रामनाथ कबिन्दखौ उत्तर प्रदेशनि राइज्यो बेंगिरि आनन्दी बेन पाटेल आरो गिबि मन्थि यगी आदित्यनाथआ बरायदों। बेनि उनाव हादतगिरि आरो राइज्यो बेंगिरिआ सार्केट हाउसआव थांबाय आरो गिबि मन्थि यगी आदित्यनाथआ लक्ष्मौआव थांबाय। गिबि खेब हादतगिरि रामनाथ कबिन्दआ 3 सान कानपुराव दावबाय हैदों। बे समाव बियो गावनि गामि परौखआवबो दावबाय दैगोन। प्रेसिडेन्सियेल ट्रेनआ कानपुर फासै फेनाय समाव 15-15 मिनिटनि थाखाय जनपदनि इन्डिआक आरो रुरा रेलवे स्टेसनआवबो थाथदों।



हादतगिरिआ 27 जुनआव बाहायनाय जादों। बेनि सिगां बे ट्रेनखौ 2006 आव बाहायनाय जादोंमोन। बे समाव भारतनि बारग' हादतगिरि एपिजे अब्दुल कालामआ दिल्लीनिफ्राय देरादुनआव थांदोंमोन। अब्दुल कालामआ इन्डियान मिलिट्री एकाडेमियाव सान्थिनि पासिं आउटपेटआव बाहागो लानो थांदोंमोन।

नारद स्टिं केस : सुप्रिम कर्टआ कलकाता हाइकर्टनि बिथोन होनायखौ दोनथरबाय



गोदान दिल्ली, 25 जुन : सुप्रिम कर्टआ नारद गेनाखाथि केसआव कलकाता हाइकर्टनि 9 जुननि बिथोन होनायखौ दोन्थ'बाय। लोमोसेनो 28 जुनसिमाव हाइकर्ट आव आर'जलाइ थिसन्नो बिथोन होदों। गिबि मन्थि ममता बेनार्जी आरो आयेन मन्थि मलय घटकआ बिथोन होनायखौ सेलेन्स होदोंमोन। बे केसआव सिबिआइनि

जास्टिस दिनेश माहेश्वरीनि पीठआ गाहाय बिजिरगिरि राजेश बिन्दलनि सामलायनाय हाइकर्टनि सा 5 सोद्रोमानि पीठनाव ममता आरो घटकनि आर'ज गाबनायनि सायाव फिन सावरायनो आर'ज गाबदों। बेनि सिगां हेयारि होनाय लोमो लोमोनों जास्टिस अनिरुद्ध बसआ गावखौ केसनि हेयारि होनायनिफ्राय आलादा खालामदों। बेनि उनाव केसखौ गाहाय बिजिरगिरि एनबी टमनानि सिगाडाव दिन्थदों। बे केसखौ जास्टिस बिनीत सरन आरो दिनेश माहेश्वरीनि पीठनि सिगाडाव हेयारि होनो थाखाय लाबोनाय जायो। जास्टिस चरनआ बे केसखौ बिनि पीठनि थाखाय गोदान फोरमायनानै हेयारि होनायखौ दोन्थयो। बियो हाइ कर्टनाव 25 जुननि सिगां हेयारि होयैनि आर'ज गाबदोंमोन।

बेंगालुरुआव बि जे पिनि आगुनि बिबानगिरिखौ दाबा सुरिजों सुथारदों

बेंगालुरु, 25 जुन: बेंगालुरु नोगोसा पालिकानि बि जे पिनि आगुनि बिबानगिरिखौ कट्टनपेट ओन्सोलाव थानाय बिनि न' खाथियावनो दाबा सुरिजों सुथारना बुथारो। 46 बोसोर बैसोनि रेखा कादिरेशखौ केम्मे गौडू इन्स्टिटुटअफ मेडिकेल साइन्सायवा लांनाय जायो, नाथाय बिथांखौ रेखा खालामनो हायाखिसै। पुलिसआ सिगांनि सुथुरनि जाहोनाव बिखौ बुथारनाय जादों। उक्रा पुलिस कमिसनार एस. मुरुगननि बायदिब्ला, फुंनि 10.30 रिंगासो समाव बियो जाग्रा आदारनि पेकेट रानबाय थादोंमोन। बै समाव मथरसाइकेलाव गाखोनाय सानै लाइमोनफोरा बिनि सायाव गाग्लोबो। आथिखालाव बे जाथायनि सोमोन्दै नायबिजिरनाया सोलिगासिनो दड आरो थाबैनो



दायनिगिरिफोरखौ ग्रेप्टार खालामगोन होन्ना पुलिसआ खोथा होदों। पुलिसनि सुलुड बुनाय बायदिब्ला, बे बुथारनायनि खैसार सानाया सिगांनिफ्रायनो सोलिदों। बेनि जाहोनाव रेखा नि न' खाथियाव लागायनाय गंने सिंसिटिभि केमेशखौ गुबुन फासै फिदिनानै दोन्नाय महराव मोन्नाय जादों। बोसोरथाम सिगां 2018 नि 7 फेब्रुवारीयाव

रैखाथि मन्थि राजनाथ सिंआ कचीन शिपयार्ड लिमिटेडआव दावबायहैदों

कच्चि, 25 जुन: मिरु रैखाथि मन्थि राजनाथ सिंआ शकुबाराव कचीन शिपयार्ड लिमिटेडआव दावबायहैदों। बे समाव बिथाड बैयाव बानायगासिनो थानाय गिबिसिन हादतयावनो बानायनाय उरां जाहाज बाग्रा गाथोन (आइ ए सि) खौ नायगिदिहैदों। राजनाथ सिंआ बुडोदि, फैगौ बोसोराव हादतनि एयारक्राफ्ट के रियारनि जागायनाया भारत उदांस्नि 75 बोसोर फुरा जानायनि खाबुआव श्रद्धन्जलि एबा बिबार बाउनय जागोन। उरां जाहाज गाथोनआ फुरा जायोब्ला हादतनि रैखाथि बिथिआव गोबां गोहो बारायगोन आरो लैथोमा ओन्सोलाव भारतनि हितखौ रैखाथि खालामनायाव मदत मोनगोन। बे आइ ए सिखौ 'आइ एन एस विक्रान्त' मुं दोन्नाय जागोन। रैखाथि मावख'निफ्राय होनाय



प्रेस बिबुंसारवा बे खौरांखौ फोसावदों। बैयाव फोरमायनाय जादोंदि, बृहस्पतिबारनि मोनाबिलियाव राजनाथ सिंआ बैयाव थानाय खोला नेभि कामानआव सौहैदों। बिथांजों लोमोसे नेभिनि चीफ एडमिरल करमबीर सिंआबो दंफायोमोन। खोला नेभि कामाननि प्लेग अफिसार कामानिड-इन-चीफ भाइस

दिल्लीयाव कन्ट्रल गोमानाय बासआ ट्राफिक पुलिसनि बुथआव हाबहैयो, सासेनि जिउ ख'हा, साब्रै जोखोम




गोदान दिल्ली, 25 जुन : दिल्लीयाव थांनाय बृहस्पतिबारनि मोनाबिलियाव मोनसे लामानि जाब्रबथाय जायो। खौरां मोन्नाय बायदिब्ला, गंसे डिटिसि कलस्टर बासआ सरय रहिलानि खाथियाव थानाय ट्राफिक पुलिसनि बुथआव हाबहैयो। बे जाब्रबथायाव सासे लाइमोनआ थैयो आरो सा 4 सुबुंफोरा जोखोम जायो। जोखोम जाग्राफोरनि गेजेराव साथामखौ ट्राफिक पुलिस मावसुमा होन्नानै सुलुडवाव फोरमायनाय जादों। जाय ट्राफिक पुलिस मावसुमाफोरा जोखोम जादों बिसोरनि गेजेराव एएसआइ गबिन्द, हेड कन्स्टेबल हरिश पालस, साब इन्स्पेक्टर किशन

कुमारआ दंफायो। बे साथाम पुलिसफोरा डिउटियाव दडमोन। बेराफासै बे जाथायाव थैनाय सुबुड जाथायनि सिगां लामा सेराव गसनानै दडमोन आरो अब्लानो बियो बे जाथायनि खैफोदाव गोलैयो। बे जाथायाव जोखोम जानाय गासै सुबुंफोरखौ करलबागायाव थानाय जीवन माला देहा फाहामसालियाव थिसन्नाय जायो। बे जाथायनि उनाव बासनि ड्राइभरआ बेयावनिफ्राय खारनायाव जाफुसारनो हायो। माखासे मिडिया रिपर्टसआव फोरमायनाय बायदिब्ला, डिटिसिनि कालेस्टर बासआ देशबन्धु गुप्ता र'डनि फासै थांबाय थादोंमोन। बे बासाव

तिब्बतआव चीनआ गिबि बुलेट ट्रेनखौ बेखेवबाय

बेइजिं, 25 जुन : सोलोआरि खान्थि महरै मख'जाथाव हिमालयनि तिब्बत ओन्सोलाव चीनआ गावनि गिबि मोब्लिबआरि ट्रेनखौ शुक्र बारनिफ्राय बे खेवना होबाय। बे ट्रेनआ तिब्बतनिफ्राय राइज्योनि राजथावनि ल्हासा आरो अरुनाचल प्रदेशनि सिमनाजों नांजाबनाय सहर न्यिंगचीसिम फेगोन। मावख'नि मिडिया रिपर्टनि बादिब्ला, सिचुआन-तिब्बत रेलवेनि गेजेरजों 435.5 किलमिटरनि ल्हासा न्यिंगची सेक्सनखौ 1 जुलाइयाव चीननि कम्युनिस्ट पार्टी (चिपिचि)नि 100 बोसोर फुरा जानाय साननि सिगां बे खेवनाय जागोन। सिचुआन तिब्बत रेल लामाया सिचुआननि राजथावनि चेंदुनिफ्राय जागायनानै आरो



यानजों हाबबोनानै तिब्बतआव हाबफैदोंमोन आरो चमद'सिम फेगोन। बे रेल लामाया चेंदुनिफ्राय ल्हासासि 48 घन्टा दावबायनांगो समा 13 घन्टाल' जानानै फेसिगोन। न्यिंगचीआ मेड'ग राइज्योनि सहर आरो बेयो भारतनि अरुनाचल प्रदेशनि सिमनानि साखाथियाव दं। बे रेलवे सेक्सनआ सांथिनि थांलाय फैलाय बादिदै चीननि थाखाय मख'जाथाव खाबु जानो हागौ। मख'जाथावदि, चीनआ अरुणाचल प्रदेशखौ खोला तिब्बतनि बाहागो होन्ना बुडे। बेनि बे दाबि दैखानायखौ भारतआ गोखोडै नेवसिगरदों।

26 बोसोरनि उनाव जम्मु-काश्मीरआव डिलिमिटेसन खुंनो नागिरदों

गोदान दिल्ली, 25 जुन: जम्मु-काश्मीरनि राजखान्धियारि दोलोफोरनि सा 14 दै देनगिरिफोरखौ लोगो हमनायनि उनाव गाहाय मन्थि मदिआ रङ्ग्योयाव सिमा थि खालामनाया गोनांथार होन्ना बुङ्गे। बिथाड दुइटाव बुंदोंदि, जौं गिबियै बेखौ नाजानांगोनदि जम्मु-काश्मीरआव गाहाय सुबुंतन्त्राखौ गोख्रों खालामनांगोन। बेनि थाखाय सिमा थि खालामनायखौ गोख्रैये खालामनांगोन, जाहाथे बिसायख'थि खुंनो हायो आरो जम्मु-काश्मीरआ गावसिनि सायख'नाय सरकारखौ मोन्नो हायो। बेजों जौगाखानाया गोख्रै



जागोन। मख'जाथावदि, डेलिमिटेसन कमिसनखौ सरकारनिफ्राय सिगांआव दानाय जाखांबाय आरो बेयो गोदानै बानायजानाय मिरुजों खुंजानाय राङ्ग्योयाव साभें बो जागायबाय। सुबुं अन्जिमानि सायाव बिथा खालामनाय सम-सम बिधान सभा आरो लक

हाया। बेखौ सुबुं सुमिरिननि गोदान अन्जिमानि सायाव बिथा खालामनाय खालामनाय जायो, जाहाथे गासैबो सीटफोरखौ रान्नाया मोजां रोखोमै जायो। सीटफोरनि जायगानि अनगायै बेनि गेजेरजों गोबां खेब राङ्ग्योयाव बिधान सभा एबा लक सभानि सीटफोरावबो सोलायनाय जायो। जम्मु-काश्मीरनि लक सभा सीटफोरखौ डिलिमिटेसनआ सरसनस्यै फुरा हादतजोंनो लोगोसैयै जाबोदों, नाथाय बिधान सभा सीटफोरनि डिलिमिटेसनआ 1995 आव जोबथा खेब जादोंमोन।

लामा आरो दालांफोरा समनि सिगां गाञ्जि जायोब्ला बिबानगिरिआ दायनिगिरि जागोन

गोदान दिल्ली, 25 जुन: लामा आरो दालां बानायनाय गाञ्जि गुननि केसफोर सोराडव फैफ्लेबाय थायो। हान्था-मेला मावख'आ बे बिथिआव गोख्रों थांखि आजावनो नागिरदों। जुदि बबेबा लामाया बानायनायनि उनावनो बायोब्ला एबा गाञ्जि जायोब्ला बै जायगानि बिबानगिरिफोरखौ बेनि थाखाय दायनिगिरि गनायनाय जागोन। माहारियारि रजा लामा आरो बेनि दालां बानायनायनि नेमखान्थिखौ फालियाब्ला एबा थि रोखोमै लामाखौ बानायनाय जायाब्ला हान्था-मेला मावख', एन एडच ए आर आरो एन एडच आइ डि सि एलनि ओन्सोलआरि मावख'नि बिबानगिरिफोर आरो इन्जिनियारखौ एसे एबा गोबां जुरिमानाबो फोनांनया जानो हागो आरो बिसोरनि हेंथायै नायबिजिरनायबो जागोन। सार्कुलारआव बुंनया जादोंदि, एन एडच ए आर आरो एन एडच आइ डि सि एलनि ओन्सोलआरि मावख'फोरनि बिबानगिरिफोर आरो इन्जिनियारखौ एसे एबा गोबां जुरिमानाबो फोनांनया जानो हागो आरो बिसोरनि हेंथायै नायबिजिरनायबो जागोन। सार्कुलारआव बुंनया जादोंदि,



कन्ट्रक्टरनि रादाय खानाय एबा स्किमनि आयेन बेरेखा मावनायखौ होबथानो थाखाय मावख'आव कम्पिटेट अट'रिटिआ थांखि लादोंदि, अट'रिटिनि गानाय गाहाय बिबानगिरिआ साइटाव थांनानै यजनानि खामानिफोरखौ नायगिदि हँयो, जाहाथे खामानिखौ नेमखान्थि बादिथै

मावदों ना मावाखै बेखौ रोखा खालामनो हायो। सार्कुलारआव बुंनया बादिब्ला हान्था-मेला मावख'एन एडच ए आइ आरो एन एडच आइ डि सि एलनि बिबानगिरिफोरखौ लामा, दालां आरो रजा लामा बानायनायखौ गाहामै नायबिजिरसंनयायनि थाखाय दायनिगिरि गनायनाय जागोन। अदेबानि एरैबादि केसआबो सोराडव फैदोंदि, कन्ट्रक्टरफोर, अट'रिटिनि इन्जिनियारि फोरनि फारसेनिफ्रायबो जेना जादों एबा गाञ्जि रोखोमै बानायहोनायनि जाहोनाव समनि सिगांनो लामाफोरा थाब-थाब गाञ्जि जादों। सार्कुलारआव बुंनया जादोंदि, यजनानि बिथोनगिरि आरो ओन्सोलनि बिबानगिरिफोरा गासैबो यजनाफोरखौ दानफोमबो नायबिजिरनांगोन।

अन्ध प्रदेशनि दैमायाव साथाम लाइमोनफोर गोदोदों, सासे गोमानानै दड

कडप्पा, 25 जुन: अन्ध प्रदेशनि मोनसे दैयाव साथाम लाइमोनफोर गोदोनायजों लोगोसे सासे हौवाया गोमानायनि खौरां मोन्नाय जादों। पुलिसआ फोरमायनाय बायदिब्ला, पेन्ना दैमायाव

थांनया बृहस्पतिबारखालि साथाम लाइमोनफोर गोदोनाय आरो सासे गोमानानै थानाय हौवासाखौ नागिरनाय हाबाफारिया सोलिगासिनो दड। थैनायफोरनि गेजेराव 12 बोसोर बैसोनि हिन्जावसा जावेरिया,



18 बोसोर बैसोनि आबुदुल राधिद आरो 15 बोसोर बैसोनि अनुस खानआ दंफायो। बेरा फारसे, गोमानानै थानाय हौवासाणि मुड आबुदुल वालिद खान, जायखौ 19 बोसोर बैसोनि होन्ना फोरमायनाय जादों आरो बिसोर नागिरासिनो दड। वल्लुर पुलिस थानानि साब इन्स्पेक्टर

राजगपालआ फोरमायनाय बायदिब्ला, बे जाथाया बै समाव जायो जेब्ला थांनया बृहस्पतिबार बेलासियाव वल्लुर मन्डलनि पुष्पगिरीयाव थानाय पेन्ना दैमानि खाथियाव कडप्पा शहरनि गनै नख'रा पिकनिक जानो ओंखारलांदोंमोन। बे समाव जावेरियाआ दैयाव हाबहँयो। बे समाव गिदिरफोरा दै सेराव जिरायबाय थादोंमोन। जवेरियाआ दैयाव थांनयायनि उन-उन गुबुन सा 3 लाइमोनफोरबो दैयाव थांजेबो आरो माखासे मिनिटनि उनावनो साब्रेबो गोमायो। बेनि उनाव नख'रनि सुबुंफोरा बे जायगायाव थिसन जानाय पुलिसफोरखौ लिंहरें, जायनि उनाव नागिरनाय हाबाफारिया जागायो।

"Annual Tender Notice"

Sealed tender affixing a court fee stamp of Rs. 8.25 (Rupees eight and paise twenty five) only is hereby invited from the local intending registered tenderers/suppliers under Assam Police for supply of "Stationary, Electrical and Miscellaneous Articles". for the year 2021-22 to the office of the undersigned. The tender will be received by the undersigned up to 2 P.M. on 12/07/2021 and will be opened on the same day at 3 P.M. in presence of the intending tenderers or their authorized representatives, it any.

Details of terms and conditions may be obtain from the undersigned office.

Sd/-
Superintendent of Police
Baksa Mushalpur.

No.ACE-18/TECH/Qm/P-II/2017-18/16. Dated. 24/06/2021.

TENDER NO.11 OF 2021-22

PRESS NOTICE FOR INVITATION OF BIDS

The Addl. Chief Engineer-cum-Director, PWD, BTC, Kokrajhar, invites bids through online process for "Construction of Staff Quarter (G+4) of U.N. Brahma Memorial Cultural Centre and Guest House (including supplying of furniture) at Salugara, Siliguri (West Bengal)." (Supply of Furniture & Fixtures) for an amount of Rs.1,07,70,015.00 (Rupees one crore seven lakh seventy thousand & fifteen) only from the registered eligible Firms/ Contractors under PWD, BTC/ Assam.

Details may be seen at <http://assamtenders.gov.in> and also at the office of the undersigned during office hours.

Sd/- Addl. Chief Engineer-cum-Director, PWD, BTC, Kokrajhar.

IPR(BTC)-94/2021

साबायखरथि

कभिड-19नि भेकसिन थुनाय हाबाफारिखौ सुबुं जांखिथायसिम सोलायहोनो थाखाय आसाम सरकारा खावलायहरनायनि फारसे मान होनाचै गिबि मन्थिनि अनसुंथाय फाण्डिसिम राडारि दान हरपा गाहायाव होनाय सुबुं/फसंथानफोरनिसिम गोसो गोबोंनिफ्राय साबायखर बाउहरनाय जाबाय।

ड॰ हिमन्त बिश्व शर्मा
गिबि मन्थि, आसाम

सुबुं/फसंथाननि मुं	दाननि बेसेन	सुबुं/फसंथाननि मुं	दाननि बेसेन
निर्मलेन्दु नाग	2,100 रं	मृगेन गौ	1,500 रं
रमेश चन्द्र बरा	10,000 रं	उतपल सेतिया	25,000 रं
रयेल क्लाब, धेमाजि असुत्य गौ	20,000 रं	नेरेन तामुलि	50,000 रं
राहुल दिहिडीया	1,00,000 रं	पिकुमनि सन्दिक्के	20,000 रं
जिबन शर्मा	20,000 रं	ब्रह्मपुत्र डायमण्टिक	5,00,000 रं
मिसिं आसाम केबां	10,000 रं	एन्ड हस्पिटाल लि:	
सुबनसिरी ल'वार एड्स इ प्रजेक्ट सि बि डब्लिउ इउ एन एड्स लि:	20,101 रं	दुलाराय मरान फरायसा आफाद मेसार्स जि जि एन्टारप्राइज	51,000 रं
कृष्ण बरा, हरि प्रसाद पेगु	50,000 रं	प्रिसंका नेउग	10,000 रं
पुर्वतर एन्टारप्राइज	6,00,000 रं	दिबाकर पि डि थाकुर	30,003 रं
सुर्ज्युदय आत्म सहाय ग्रुप	1,000 रं	असिम कुमार दास	25,000 रं
जितेन चन्द्र भरालि	1,000 रं	रन्जन गौ	25,000 रं
चन्द्र सुतिया	1,00,000 रं	शर्मिष्ठा शर्मा	10,000 रं
एफ आर इ एम ए (फ्लाद एन्ड रिभार इरजन मेनेजमेन्ट एजेन्सि अफ आसाम)	53,318 रं	कल्यान गस्वामि	5,000 रं
आसाम फाइनेन्स सार्भिस एससियेसन	1,00,000 रं	कौसिक राय	1,51,000 रं
फनिधर जिदुं	10,000 रं	ड॰ मानस दास	1,00,000 रं
सेख हासनन हेदायत	1,00,000 रं	करिश्मा काकति	50,000 रं
नलवारि हरि मन्दिरे कर्मि	1,00,000 रं	खासि जयन्तिया डेभेलपमेन्ट काउन्चिल	26,000 रं
सन्जिव कलिता	21,000 रं	नबज्यति सिंह	50 रं
नर्थ इष्ट अयेल पेजेस	1,01,000 रं	सम्पत राजघरा	1,111 रं
एक्सकुसिभ एडभाटाइजि प्रा:लि:	2,50,000 रं	मृदुल कुमार मेधि रहा	10,000 रं
मनज दास	3,500 रं	फुलेश्वर बसुमतारी	8,000 रं
सन्जिव कुमार राभा	5,001 रं	प्रबिर शर्मा	3,500 रं
दुमाहु राम देव शर्मा चेरिटेबल ट्राष्ट	10,000 रं	मिलन बहार	101 रं
तपन डैका	10,000 रं	जयप्रि दास	25,000 रं
अपन पाटिर	20,000 रं	भुपेन्द्र बरुवा	10,000 रं
जितु दले	20,000 रं	देबजित भुजा	1,000 रं
आसाम प्रफेसेनेल एकाडेमि(ससाइटि)	3,00,100 रं	ड॰ नरेन्द्र एन गांगुलि	8,800 रं
लक्षिम ट्रेडार्स	1,00,000 रं	सुभासिशा शर्मा	1,600 रं
आरित्रा रय	5,000 रं	अभिजित भत्ताचार्य	800 रं
बाला थुनलाइ हारिमु समाज, गुवाहाटी	51,000 रं	अपुर्नजन दास	5,000 रं
हेमन्त कुमार बैस्य	5,000 रं	सुभकर नन्दि	600 रं
प्रतिथ कलिता	1,000 रं	आनन्द गौ	3,000 रं
टैकप III फेकाल्टि अफ आसाम	1,00,000 रं	नितिराज सङ्किया	5,000 रं
रिदिप दत्त	15,000 रं	प्रदिप कुमार गस्वामि	9,600 रं
दि आसाम थांखि गोबां समबाय समिति लि:	1,01,000 रं	सयसमनि पाल	501 रं
भास्कर डैका	1,04,215 रं	रिफि दले	11 रं
कटन मुलुगासोलोंसालि	3,58,899 रं	सुरजित भत्ताचार्य	800 रं
सुनिता आगरवाल	51,000 रं	सम्पा मेधि	1,000 रं
पदुम गौ	2,50,000 रं	रखिबुल आलि आहमेद	1,000 रं
पि गौ एन्ड एससियेटस (प्रा:लि):	2,50,000 रं	मृनाल कुमार नाथ	2,000 रं
गांगर रेजिसन मार्बल	50,000 रं	पि दासगुप्ता	5,000 रं
पापुमनि उजा	5,000 रं	मनिश भुजा	2,000 रं
महेन्द्र दास	50,000 रं	ममता गौ	2,000 रं
महाबाला कनष्ट्राक्सन प्रा:लि:	11,00,000 रं	सुब्रत चक्रवर्ती	1,000 रं
पंकज दास	5,001 रं	बाबुल दत्त	5,000 रं
मेसास महित एन्टारप्राइज	15,000 रं	प्राञ्जल पाथक	5,000 रं
आबुल कालाम आजाद	30,000 रं	कंकन कुमार दास	3,000 रं
टप प्रिन्टार्स प्र-साहजाहान काजि	30,000 रं	अमित त्रवेकार	5,000 रं
बिमल अट' एजेन्सि	1,50,000 रं	राहुल गस्वामि	10,001 रं
बराक भेलि हिल ट्राइबस डेभेलपमेन्ट काउन्चिल	10,000 रं	प्रियंका प्रबल बरा	100 रं
सुशिल तासा	1,00,000 रं	दिपेन सेकनिधरा	999 रं
माडारखाट एस एस लि:	10,000 रं	निहारिका बरुवा	1,200 रं
क्रिकेट क्लाब अफ डिब्रुगड	20,000 रं	प्रफुल्ला सेकनिधरा	666 रं
कौशल शर्मा	5,00,000 रं	पंकज कुमार बरथाकुर	10,000 रं
भिजन हस्पिटाल प्रा:लि:	5,00,000 रं	विश्वजित पाइटा	2,000 रं
डिब्रुगड जिल्ला गेलेमु आफाद	51,000 रं	सित्रा बरथाकुर	20,000 रं
रुपम गौ	25,000 रं	राजु गिरि	200 रं
ललित कुमार आगरवाल	2,00,000 रं	प्रियव्रत भत्ताचार्य	600 रं
राजेन्द्र रय	11,000 रं	केशव गौ	1 रं
रुबुल फुकन	11,000 रं	दिपक कुमार बेहरा	1,000 रं
सुरेन्द्र नाथ गौ	5,000 रं	अनुप मजुमदार	800 रं
बि भि एफ सि लि:, नामरुप	10,62,796 रं	समिर रन्जन भड्गालि	100 रं
अल आसाम मटक लाइमोन फरायसा सम्मिलनि	1,00,001 रं	शरत चन्द्र सङ्किया	2,400 रं
विनद हाज्रिका	1,00,001 रं	बिशाल कान्तिनाथ	250 रं
पुलक सन'वाल	18,000 रं	अन्जलि रय	10 रं
श्वामि चरन आगरवाल	50,000 रं	कल्यान धर	10 रं
श्री स्याम इस्प्रात	1,01,000 रं	कमल दास	1 रं
आर चौधुरी	5,000 रं	परिक्षित दास	1 रं
रजनि सङ्किया	30,000 रं	शुब्रमनि आर	5 रं
अल आसाम भजपुरि परिसद,		शुरेन दास	1,000 रं
तिनिसुकिया दखरा कर्मि	11,000 रं	बिसित्र बरा	1 रं
चित्रलेखा दुबरा सुना	2,000 रं	रन्जित कलिता	200 रं
महन्त कुमार लाहन	10,000 रं	अमल चक्रवर्ती	1,000 रं
मृदुल कलिता	5,000 रं	बिबेकानन्द देवगस्वामि	1,111 रं
गिरिन सङ्किया	10,000 रं	दर्ना खदाल	1 रं
बिनन्द निर्मालिया	23,500 रं	तिर्थव्रत महन्त	500 रं
धरनि कुवर	2,000 रं	पंकज कलिता	1 रं
मृगेन गौ	2,000 रं	साइदुल इस्लाम	20 रं
घनकान्त गौ	2,000 रं	सादेक आलि	10 रं
		आफ्रिदि आहमेद	1 रं
		फुखा बसुमतारी	100 रं
		बिजित सिनहा	760 रं
		भास्करज्यति पाइत	51 रं
		उपासना देवि	800 रं
		मिनाकुमारि गहाइ	1 रं

JANASANYOG/D/1675/21 गिबि मन्थिनि अनसुंथाय फाण्डिन एकाउन्ट नम्बर: **35969660230 (SBI)** IFSC Code: **SBIN0010755,** PAN: **AAAPC4667K**

फोरमाइथाय आरो सुबुं फोनांजाव विथोनगिरि मावख', आसाम जौ फोसावजानाय

Follow Us [Facebook](#) [Twitter](#) [Instagram](#) [LinkedIn](#) [YouTube](#) [@diprassam](#) <https://dipr.assam.gov.in/>

भारतआव थांनाय 24 घन्टायाव 64,527 सुबुंफोरा करना इनफेक्सनखौ फेजेन्नो हादों

गोदान दिल्ली, 25 जून: मिरुनि गाहाम देहा मावख'आ हादतआव शुक्रवारनि फुडव कभिड-19 इनफेक्सन जानायनि अन्जिमाखौ फोसावदों। बेनि बायदिल्ला थांनाय 24 घन्टायाव समाव हादतआव 51,667 गोदान केसआ सोराडाव फेदों आरो 1,329 बेरामिफोरा इनफेक्सनजों थैदों। बेनि उनाव दासिमाव गासै पजिटिव के सफोरनि अन्जिमाया 3,01,34,445 जादों आरो थैनायफोरनि अन्जिमाया 3,93,310 जादों। आइसएमआरनि बायदिल्ला हादतआव थांनाय सानआव करना भाइरासनि थाखाय 17,35,781 सेम्पलखौ टेस्ट खालामनाय जादों, थांनाय सानसिमाव गासै 39,95,68,448 सेम्पलखौ टेस्ट खालामनाय जाखंबाय। बेनि अनगायै हादतआव थांनाय 24 घन्टायाव इनफेक्सननिफ्राय मोजां जानाय सुबुंफोरनि



अन्जिमाया 64,527 जादों। बेनि उनाव दासिमाव हादतआव मोजां जानानै डिस्चार्ज जानाय सुबुं अन्जिमाया 2,91,28,267 जाबाय। आधिखालाव हादतआव सांग्राथि केसफोरनि गासै अन्जिमाया 6,12,868 जादों। हादतआव थांनाय 24 घन्टायाव करना भाइरासनि 60,23,912 भेक्सिनखौ थुनाय जादों, जायनि उनाव गासै भेक्सिन थुनायनि अन्जिमाया 30,79,48,744 जादों। बुधवारआव भारतआव करना

इनफेक्सन जानायनि अन्जिमाया 3 कौटिनफ्राय बांसिन जादोंमोन। थांनाय 2 दानफोराव बेयो लांश्रियै 8 थि सान जादों जेव्हा इनफेक्सनजों थैनायफोरनि अन्जिमाया 2 रोजानिफ्राय खम थिसनजादों। कभिड-19 नि 3 कौटिनफ्राय बांसिन इनफेक्सन जानायजों लोगोसे भारतआ मुलुगनि नैथि हादत जादों। थांनाय 50 सानफोराव भारतआव 1 कौटि इनफेक्सननि केसआ बांदों। बेयो लांश्रियै 18 थि सान जादों जेव्हा भारतआव 1

लाखनिफ्राय खम गोदान केसखौ रिकर्ड खालामनाय जादों। 23 मार्चआव हादतआव 47,262 केसआ सोराडाव फेदों, जेराव 22 जूनआव 42,640 गोदान इनफेक्सन जानायखौ मोन्नाय जादों। फारसेथि हादतआव सांग्राथि के सफोरनि अन्जिमाया 8 लाखनिफ्राय गाहायाव थादों। जन्स हपकिन्स इडनिभासिटीनि गेजेरजों होनाय खौरांनि बायदिल्ला मुलुगआव दासिमआव गासै इनफेक्सन जानायफोरनि अन्जिमाया 179,928,730 जादों आरो मुलुगनां थैनायफोरनि अन्जिमाया 3,898,531 जादों। मुलुगनि गासैबो हादतआव बयनिखुइबो गाञ्चिसिन थासारिया आमेरिकायाव जादों। बेवहाय दासिमाव गासै करना इनफेक्सन जानायफोरनि अन्जिमाया 33,590,360 जादों आरो थैनायफोरनि अन्जिमाया 603,149 जादों।

खोला चीन लैथोमायाव गोजोन आरो हारिमायारि आयेनफोरा सोलिबाय थानायखौ भारतआ हास्थायो: रीबा गांगुली दास

गोदान दिल्ली, 25 जून: खोला चीन लैथोमायाव थासारिया सरासनखा थानांगो, बेयो बयनिबो हितआव दं। बेयाव जाहाजफोर आरो उरां जाहाजफोरनि थांलाय-फैलायनि उदांसिया थाबाय थानांगो। बेनि थाखाय लैथोमाजों थांलाय-फैलायखौ लानानै बानायनाय इउ एननि नेमखान्थिफोरजों लोगोसे गासैबो हारिमायारि आयेनफोरखौ फालिनांगो। बे बाश्राखौ सान्जा एशियानि सम्मेलनआव बार्ग गुबुन हादतारि नेहाथारि रीबा गांगुली दासआ भिडिय कन्फेरेंसनि गेजेरजों हाबाफारियाव बाहागो लानाय समाव बुडो। मख'जाथावदि, नसुंसे हादतफोरनि बाहागोखौबो नेवसिनानै चीनआ खोला लैथोमानि 90 जौखोन्दोखौनो गावनि खालामना लादों। गावनि दखल खालामना लानायखौ गावनिनो आंगोखा खालामना लानो थाखाय चीनआ ड्रीपफोरखौबो दख'ल खालामना लादों आरो आर्टिफिसिएल ड्रीप बानायनानै बेयाव नैथि आरो अख्रामा सान्थि थिसन्दों। आधिखालाव बेयो लैथोमायाव नाकाबन्डी एबा चेक पस्ट खालामनानै बेजों फालांगियारि जाहाजफोरनि थांलाय-फैलायखौ होबथानायनि सोलोयारि खांस्थिनि सायाव हाबाफारि मावदों। नसुंसे हादतफोरनि ख'नि मुवा बोखानाय आरो ना हम्नायफोरनि अभियानफोरखौ



चीनआ हेंथा होनोबो जागायदों चीनआ। लैथोमा साजों बिरलांनय उरां जाहासफोरखौबो सांग्राथि होदों। सम्मेलनआव बार्ग नेहाथारि खोला चीन लैथोमायाव गोजोन, दिदोमथि आरो थांलाय-फैलायनि उदांसिया सोलिबाय थानायखौ भारतआ हास्थायो होन्ना फोरमायो। बेयाव हारिमायारि आयेन बादियै रहाया थानांगो। खोला चीननि लैथोमाखौ लानानै सावरायनो गोनां जथुम्मायाव रावबो उनफिनो एबा गंलायनो गोनांथि गैया होन्ना रीबा गांगुलीआ बुडो। बे सम्मेलनआव बाहागो लानाय

हादतफोरनि राजखांथि दैदेनगिरिफोरा कभिड-19 इनफेक्सन, म्यान्मारनि थासारि, उतखारिजों लोगोसे गोबां हारिमायारि केसफोरनि सायाव सावरायो। बे सम्मेलनआव दर 10 एशियान हादतफोरनि अनगायै आमेरिका, रसिया, चीन, जापान, खोला करिया, निउजिलेन्डनि थान्दैफोरबो बाहागो लायो।

कविन एपखौ गुबुन हादतफोरजों शेयार खालामनो भारतआ थियारि

गोदान दिल्ली, 25 जून: भारतआ मुलुगनाडे गावनि लोगो हादतफोरजों हादतआवनो जौगाखां होनाय कभिन एप (COWIN) नि टेकनिकखौ शेयार खालामनो थियारि जादों। बे एपआ करनानि हेंथा भेक्सिन थुनायनि थाखाय आरो रेजिस्टार खालामनायनि थाखाय गोबां जाफुंसारदों। बेखौ गुबुन हादतयारि मावख'आ फोसावदों। मोनसे सप्ताहयारि मिडिया ब्रीफिखौ सोमोन्दो लानानै गुबुन हादतयारि मावख' (एमइए) नि बुंथिगिरि अरिंदम बागचीआ बुडोदि, गाहाय मन्थि नरेन्द्र मदिआ जी-7 शिखर सम्मेलनआव अपेन सर्स, डिजिटेल टुलस, कन्टेक्ट



ट्रेसि आरो भेक्सिन थुनाय अभियाननि जाफुंसार महर् बेहायनाय भारतनि मोन्दांथि आरो रोंगथिखौ शेयार खालामनायनि थाखाय मुलुगनि लोगो हादतफोरजों मोनसे हाबाफारि खुंनो थाखाय लादों। बे

नेसनेल हेल्थ अट'रिटीआ हादतआवनो जौगाखां होनाय कभिन एपनि खंफोरथिखौ शेयार खालामनो थाखाय मुलुगनि लोगो हादतफोरजों मोनसे हाबाफारि खुंनो थाखाय लादों। बे

हाबाफारिनि बाश्राफोरा थि जायोब्ला बेखौ सोराडाव फोरमायनाय जागोन। मख'जाथावदि, मंगलबाराव मिरुआ खौरां होदोंमोनदि, कभिन प्लेटफर्मखौ मोजां मोन्नाय हादतफोरनि थाखाय थाबैनो मोनसे मुलुगनां थाखोनि वेबिनार खुंनय जागोन। मोनसे प्रेस कन्फेन्सआव मिरु गाहाम देहा बिफाननि नेहाथारि राजेश भुषणआ बुंदोंमोनदि, नेसनेल हेल्थ अट'रिटी, मिरु सावसि मावख' आरो गुबुन हादतयारि मावख'आ जयैनो मोनसे मुलुगनां वेबिनार खुंनो यजना बानायदों। बेयाव बे एपखौ मोजां मोन्नाय हादतफोरखौ खावलायहरनाय जागोन।

रंजालि गथ' फोरनि सौरा

महर बोगोरि

महर बोगोरि आं बे मुगानि हागोनदा आखिनो- गोसो गोबोनि सान्नायखौ- ? सानो आं गोसोनि बाश्राखौ फोरमायनो सुबुं लैथोनि बिखायाव रान्ना होनो नाथाय सोर मिथिनो ? आंनि थुलिखानि रावखौ- सुबुंनि नोजोराव जीउ गैयै आं सैना दोन्नाय गंसे सावगारीसो रायदावगोन सोर आंखौ ? मिथि मोनगोन दा- ? थुलिखानि खायलें खुइलें बोनाय राव गैयै सावगारीनि गाबरखौ। नाथाय बेयावनो थाखोमादों गासै आंनि- सुखु-दुखु गाबनाय मिननाय मेंनाय-बानाय। हे ! सुबुं माहारि- अन्नायै नाय नुनो मोनगोन सान्नायै नाय बुजिमोनगोन रायज्जायनायै नाय राव मोनगोन दानानै नाय साखाथियाव मोनगोन आगानफ्रोमबो दावगालानायाव आं थुलुंगा मोनगोन।

श्री पवित्र बसुमतारी।
कक्राझार मिउजिक एन
फाइन आर्ट कलेज।

गोदान राइजोनि गिबि नुथाय

गोदान राइजोनि गिबि नुथाय गुमु बारनि गिबि बिलिरजेननाय, रान्दि आदुंगारिफ्रा मिनिरलाबदों मानिबा दाहायाव मोदैबो हुगारदों, एभारेष्टिसिम सौहैनायनि सिमांआव होलोखो बुदांआ आदार बिबायदों। दैज्लां बोथोरनि एम्बु नेरनाय बायदि जैरैथिबो रिखादों भट हो, भट हो, हरखाब दैदेनगिरिफोरनि दुब्लियाव दालान, स्काइ स्क्रूपार रजदों, सानगोहो सुबुंफ्रा आन्दायदों रानखानाय सोलेरखौ सुपलायहोनो, बरफनि दामोलाव एरसोहैदों आरोबाव सानश्रहायै गोबां। टिकादार बाबुफोरनि टिकादार होनायाव बड'लेण्डनि रिउ-रिउ, खोल खोल जिनो रोडे गोरा लामायाव मोसौ गारि गंसे खारनायाव खुद्रिदों, हप्तिखावदों, आरोबाव सहायनो बेसेबां ? थारैनो बड'लेण्ड बिबार महर लानानै गोवलां गोवथां बारगलां हांबाय, बेरे सिखिरिफ्राबो बाहां बिरहां बिदै सोबनो हांखुर जाखांबाय।

रंगिना ब्रह्म
कक्राझार फरायसालि

निखावरिनि मोदै

फुंनि गोरलै सानजों लोगोसे सिखार फानानै फारनैबो खावलाइआव रानथाबनाय मोदै लानानै सासे उन्दै गथ' आं बबेयावबा थाबायलाडो, निखावरिनि मोदैआ रथ' रथ' बोहैलाडो। अनसुला बिफाया गोसोआव बायदि मिजिं लानानै सानो फिसाखौ फेदेरनो फोरोंनो हाग्रायाव बन दाननानै, मानिबा दुखुआव मोदैनि थरथिंआ र' गलाडो। निखावरिनि मोदैआ रथ' रथ' बोहैलाडो। मैयानि हराव गथआ बिजाब फरायनानै दो उन्दुलांफलाडो साथिखौ खोमोरनो बावनानै, सिरि मोनफिनोबा थाबआ जोबनानै थायो,

बर' सिख्ला

बर' सिख्ला हारिया नॉनानो गिदित दाथानो बावगोमानानै गावनि मै-रं गाबनि महरखौ। अनसुलि बैसोमुथि बिमा, सीता सतिनि नेरसेनखौ दाबावगारलां, हारिमुदनि बिमा जानानै दाग'संनो खोमसिनि हाख'राव। गोजू हाजोआव गसंनानै दिन्थिनो नाजानो जेव्हाबो नॉनि असे मुश्रिखौ। दालाबो नों गोसोआव नेवसिनाय गावनि महर मुश्रीखो लानानै, दासान नों मोजांसिनखौ मोननो सिखिरिनि गां फुवारनाय महरखौ नुनानै, दावराइ मोखेब, फारौ मेगन गानजों दानानै दखा। सिखिरि मोसानाय, दावराइ मोसानाय एरनानै जोमनो सादोर मोसाफै नों बैसागु बोथोराव बा-गु-रु-बा' सिनायथों नोंखौ बर' सिख्ला होन्नायै।

मुश्री मिथिसार बसुमतारी
गामि- 2 नं सियालमारी
ला:सो:- सियालमारी
जिला- कक्राझार बि टि सि आसाम।

सिमां

नुदोंमोन आं समायना मन्दिर लुनाय लुदोंमोनबो आं गंसे समायना मन्दिर। गैया नाथाय फोसाबनो आंनि समायना मन्दिर जानांबाय दिने सोमखे आंनि सिमानि समायना मन्दिर। जावदोंमोन आं गंसे जिउ दिड गुवार लैथोनि गेजेरजों नाथाय मेगन गोसा बार मोदायआ बुप्रोमना खोमाबाय आंनि आखायनि गंसेल' लोरिगखौ। जानांबाय आं लैथो गेजेरनि लोरिग गैयै आनदायनाय दिडारि नुदोंमोन आं बिबारनि बागानाव बारसे समायना बिबार। जादोंमोन आंनि गोसोआ, लुबैदोंमोन आंनि गोसोआ समायना नों बिबारजों लायनो नाथाय सोरगिदि गारिबो..... गिलु बालु सुनि बेंनाय माब्रैहाय फोलावनो आखाय हायासै आं समायना बिबार नोंखौ लायनो हास्थायनाय जारिमिन सिमां महर जालांबाय।
मिस रोमै मसाहारी
कासिबारी।

निखावरिनि मोदैआ रथ' रथ' बोहैलाडो। बिमाया राइयो गथ'खौ रागा जौफलांनानै थिनहरफलाडो लाइनो रां नागिरनानै मानिबा दाहाया बिमानि बिखाखौ सौगिललाडो। निखावरिनि मोदैआ रथ' रथ' बोहैलाडो। सोरनिबा दुखुआ सिफु देंखो जानानै गाबलाडो अन्थाय बिखाखौ सिगलाबहोनानै खबामा सिरियै गोमा लांखुमायो। निखावरिनि मोदैआ रथ' रथ' बोहैलाडो।

श्री बिजय बसुमतारी
गामि- कल'बारी।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

गिबि मन्थ्रिआ राइज्योनि सोलिफु कभिड-19 थासारि आरो भेक्सिनेसन होनाय आयदाखौ खौरां लादों

थनाय कभिड भेक्सिन होनायनि थाखाय भेक्सिनेसन मिरुफोराव भेक्सिन लानो फैनय सुबुंफोरनि गेजेराव समाजयारि जान्थायखौ मानिनानै सोलिनारयनि सायाव गोखों नोजोर लाखिनो बिथोन होनाय जायो। गिबि मन्थ्रिआ बुंवावदोंदि, आंगनबादि मावथिफोरा समाजजों खाथि सोमोन्दो गोनां। बेनिखायनो बिसोरनि थाखाय भेक्सिन लानाया जोबोद गोनां। आरो जुदि सोरबाफोर अंगनबादि मावथिफोरा कभिड भेक्सिन लायाखैव्ला बिसोरनो दानयारि बान्थाखौ हस्रनो नाड होन्नानै जिल्ला बेंगिरिफोरखौ बिथोन होयो। लोगोसे गिबि मन्थ्रिआ बेखौबो फोरमायथिबावोदि, राइज्यो सरकारआ मोनफ्रोमबो जिल्लायानो जौगालु खामानि मावनायखौ गोख्रैसिन खालामनायनि सायाव नोजोर लाखिनो थाखाय गाजेंन मन्थ्रि आरो गाजेंन नेहाथारि बिबान होनाय जादों। गाजेंन मन्थ्रि आरो गाजेंन नोहाथारिफोरा गावबा-गावनि जिल्लाफोराव थाब-थाबै दावबायहैबाय थानांगोन। जिल्ला बेंगिरिफोरा बिसोरनि खामानि मावनायनि थाखाय मावखुलि जगायनानै होनांगोन होन्नानैबो गिबि मन्थ्रिआ बिथोन होयो। सोलिफु कभिड भेक्सिन होनायनि गेदेथार हाबाफारिखौ जाफुंसार होनो थाखाय गावखौ बाउसोमाननै मॅनाय आरो बानाय गैयाजासे खामानि मावनायनि थाखाय जिल्ला देहा खुंथायनि बिबानगिरिफोर आरो देहा मावथिगिरिफोरखौ बाखायो। दिनेनि बे भिडिअ कन्फारेन्सनि गेजेरजों जथुमनाय मेलआव गिबि मन्थ्रिजों लोगोसे देहा मन्थ्रि केशव महन्त, सिफ सेक्रेटारि जिष्णु बरुवा, गिबि मन्थ्रिनि प्रिन्सिपाल सेक्रेटारि समीर कुमार सिन्हा, देहा बिफाननि प्रिन्सिपाल सेक्रेटारि अनुराग गयेल, एएसडिएमएनि सिइअ जिडि त्रिपाति, एनएएसएमनि एमडि डू एस लक्ष्मनमोनजों लोगोसे देहा बिफान आरो गुबुन सरकार बिफाननि गोबां गोजै थाखोनि मावखु गिरिफोराबो बाहागो लादोंमोन।

मरिगाव जिल्लानि भुरगावआव दावबायहैनानै 20 जुनाव सोमजिनाय जाथायनि सायाव सुलु लाहैयो गिबि मन्थ्रिआ

हिन्जावसानि बिफा-बिमाजों सावरयालायो आरो बिसोरनिसिम गोथै दुखु मोन्नाय फोरमायो। मोनफ्रोमबो जिउआनो बेसेन गोसा होन्ना बिबुंथि होन्नानै बिथाड बुडेदि बे बायदि मुगैजाथाव जाथाया जाहाते इयुनाव जाफिनो हाया, बेखौ रोखा खालामथारनांगोन होन्नानै बुडे। गिबि मन्थ्रिया पुलिस बिबानगिरिनो बे केसखौ ऐबायदि सामब्लायनो बिथोन होयो, जाहाते आइजोफोरनि हेंथायै सोमजिनाय जाथायफोरखौ होबथानायव बेयो मोनसे मख'जाथाव बिदिन्थि महरै सिनायथिजायो। दिनेनि बे दावबायहैनया हाबाफारियाव एम पि दिलिप सडकिया, मरिगावनि एम एल ए रमाकान्त देउरि, लाहरिघाट बिबाबनि एम एल ए डू आसिफ महाम्मद नाजर, आसामनि डि जि पि भास्कर ज्यति महन्त आरो जिल्लानि पुलिस आरो जिल्ला खुंथायनि गोजै थाखोनि बिबानगिरिफोराबो बाहागो लादोंमोन।

बिपिएफ दोलोआ गिबि मन्थ्रिनो 25 लाख रांनि चेक बिलाइ गथायदों

कभिड-19 नि हेंथायै जुजिनारयनि थाखाय आसाम सरकारनो थामहिनबा गिबि मन्थ्रिनि फान्डआव जा हायो गावबा-गावनि अन्सुंथायखौ हस्रदों। बे समावनो बिटिसि हालामनि मोनसे समनि गोखों राजखान्थि हान्जा थामहिनबा 17 बोसोर सम बिटिसि खुंथायखौ सालायबोनाय बिपिएफ हान्जायाबो बे गिखंथाव कभिड-19 नि खैफोदिनि समाव आसाम सरकारखौ हेफाजाव होनो आखाइ फोलावदों। दिने बिपिएफनि आफादिगिरि आरो बिटिसिनि बारग' गाहाय खुंगिरि हाग्रामा महिलारिनि दैदेन्नाय बिपिएफनि मोनसे हान्जाया कभिड-19 नि हेंथायै दावहा नांनायाव आसाम सरकारखौ हेफाजाव होनायनि थाखाय 25 लाख रां अन्सुंथाय होदों। बिपिएफनि आफादिगिरि हाग्रामा महिलारिनि दैदेन्नायाव दिने गिबि मन्थ्रि डू हिमन्त बिश्व शर्मानि आखाइयाव बिपिएफ हान्जानिफ्राय 25 लाख रांनि चेक बिलाइखौ गथायनानै होयो। बे रांखान्थि सहाय गथायनाय बुब्लियाव बिपिएफनि आफादिगिरि हाग्रामा महिलारिजों लोगोसे बिपिएफनि एमएलए रबीराम नार्जारी, दुगां दास बर', बिपिएफनि एमएसिएएफोर मृत्युन्जय नार्जारी, राजिव ब्रह्मआवो दंफायोमोन।

रन्साइधामआव दुथांफोरा सासे

फोरोंगिरिजोनिक्राय स'नानि चैनखौ सिख'दों

न'निक्राय स्कुटिजों फरायसालिसिम थांबाय थानाय समावनो गयबारि बारनानै गंसे कालभार्तिनि साखाथिनिक्राय उन-उन थांफानाय साथाम सुबुं गाखोनाय गंसे बाइकनि सासे दुथाड फोरोंगिरिजोनि गोदोनायाव थानाय स'नानि चैनखौ सिख'नानै खारलाडे। फोरोंगिरिजोआ सिखाव-सिखाव होन्ना होसिखावनानै एसे जान्थायसिम उन-उन होसोलाडेब्लोबो अदेबानि दुथांफोरा बाइकखौ गोबारै सालायनानै खारखुमा लाडे। बे जान्थायनि लोब्बाजों सुनिता गयारीआ बासुगाव पुलिस थानायव मोनसे केस थिसनहैयो। थिसन्याय केसनि बिथायाव बासुगाव पुलिसआ संदानाय हाबाफारि लादोंब्लाबो बे जाथायनि सोमोन्दै जेबो मिथिथाय मोननो हायाखै। गुबुन फार्सेथिं बासुगाव सोहोरनि 3 नं वार्डनि थाना लामायाव न'भारा लानानै हारा बायनाय बायदि बेरामिफोरखौ फाहामथाय होबोनाय आनन्द सरकारनि फिसाज्ला नित्यानन्द सरकारनि गोदान पालसार बाइकखौ थांनाय 19 जुनखालि साननि समावनो न'नि लांगोनानिक्राय दुथांफोरा लानानै थाडे। सहप्रासेनि गेजेरावनो ओन्सोलाव साननि समावनो मोननै जाथाय सोमजिलानायखौ ओन्सोलाव दुंहाव थासारि सोमजिदों।

बडाइगाव रिफाइनारि आरो बडाइगाव जिल्ला खुंथायनि गेजेराव एमअइउनि रादाय

इनफ्रास्ट्रक्चरआ जौगाखानो हागोन। लोगोसे गिबि मन्थ्रिआ बडाइगाव रिफाइनारिनि हेफाजाबनि आखाइ फोलावनाय बादिदै बडाइगाव सिभिल देहा फाहामसालिआव मेडिकेल अक्सिजेन जेनेरेसन प्लान्ट आरो निउट्रिसन रिहाबिलिटेसन सेन्टर फरसनयनि थाखाय नांगौ रोखोमनि हाबाफारि आरो हेफाजाबखौ जगायनानै होनो बडाइगाव जिल्ला बेंगिरिखौ बिथोन होयो। मख'नाय जायोदि, जुदि बे बिथांखिया मावफुं जायोब्ला बडाइगाव जिल्लायाने सोलिफु कभिड-19 नि समाव मेडिकेल अक्सिजेननि गोनांथि जानायखौ आवुं खालामनायजों लोगोसे सिलेन्डर आवुं खालामफिन्याय आरो अक्सिजेन दिहुन्नायनि बिथिडव नांगौ रोखोमनि हेफाजाव मोन्नो हागोन। एरैहाय बडाइगाव सिभिल देहा फाहामसालिआव बिमा आरो गथ'फोरनि थाखाय एनआरसिखौ गोबांथार खावु राहा थानायजों मोननै थालानि बिलिडं लुफुंगोन। बडाइगाव रिफाइनारिनि रांखान्थि हेफाजावजों बडाइगाव जिल्ला खुंथाया बे बिथांखिखौ लुफुंगोन। दिनेनि बे रादायनि सागान होनाय हाबाफारिआव बडाइगावनि जिल्ला बेंगिरि डू एमएस लक्ष्मिप्रिया आरो बडाइगाव रिफाइनारिनि उफ्राय गाहाय सामलायगिरि सिता बरुवा, बडाइगावनि एमएलए पनिभुषण चौधुरी। गिबि मन्थ्रिनि प्रिन्सिपाल सेक्रेटारि समिर कुमार सिन्हा, बडाइगाव रिफाइनारिनि इडि सिदाथ पि बरुवामोनहा बाहागो लादोंमोन।

फकिराग्रामआव स्वागत एन जि अआ सेनिटाइज खालामदों

बे सेनिटाइजेसन खालामनाय हाबाफारिखौ फकिराग्राम दालाइ इउक' बेंकनिफ्राय जागायनानै फकिराग्राम एसबिआइ एटिएम, फकिराग्राम हाथाइसालि, फकिराग्राम रेलवे गेट, सिआरपिएफ आरो पुलिस डिउटि होग्रा जायगाफोराव सेनिटाइज खालामनाय जायो। हाबाफारिआव स्वागत एनजिअनि मावफुं आफादिगिरि सुदर्शन कानु, गाहाय नेहाथारि सन्जय सरकारमोनजों लोगोसे एनजिअनि गासै सोद्रोमाफोरा बाहागो लानानै सेनिटाइज खालामदों।

कालाइगाव जौगाखां खोन्दोआव अरायथा बि डि अ थिसननांगौनि दाबि दैखांदों राइजो-राजाफोरा

मख'नो गोनांदि सासे बिबानगिरियानो मोननै मावख'नि बिबानखौ रुजुननांनयनि थाखाय मोननैबो मावख'नि खामानिफोरा थाबथानानै दड'। 2-3 बोसोरनिक्रायनो कालाइगाव सार्कल बिबानगिरिया गावनि मावख'जों लोगोसे जौगाखां खोन्दोनिबो बिबानखौ रुजुननो गोनां जानायाव जौगाथायनि खामानि, राइजो-राजाफोरनि खामानिफोराव थि समाव बिबानगिरिखौ लोगो मोनैयाव ओन्सोलनि राइजो-राजाफोरा गोबां जेनाफोरजों मोगा-मोगि जानादों। बेबायदिदैयो मोननैबो मावख'नि मावफारियाफोराबो माखासे जेनाफोरजों मोगा-मोगि जानादों। ओन्सोलनि राइजो-राजाफोरा सार्कल बिबानगिरिनि मावख'आव सार्कल बिबानगिरि आरो जौगाखां खोन्दोनि मावख'आव आलादा-आलादा बिबानगिरि थानायखौ हास्थायदों। लोगोसे ओन्सोलनि राइजो-राजाफोरा जौगाखां खोन्दोआव अरायथा बि डि अ थिसननांगौनि थाखाय बि टि चिनि गाहाय मावफुं सोद्रोमा प्रमद बर'निसिम दाबि दैखांदों। अरायथा बि डि अ थिसनब्लासो जौगाखां खोन्दोनि गासैबो बिथांखिफोरनि खामानिफोरा गाहामै मावफुंजागोन आरो राइजो-राजाफोरनि जेनाफोरा सुप्रांजागोन होन्नानै राइजो-राजाफोरा फोरमायो।

तामुलपुरआव गामियारि जौगाखां मन्च आरो अक्सन ऐइडआ कभिड-19नि सांग्राथियारि हाबाफारि खुंदो

सरसनम्ना राइजो-राजाफोरखौ सांग्रां खालामनायनि थांखिजों थानाय बृहस्पतिबारखालि तामुलपुरआव गामियारि जौगाखां मन्च आरो एक्सन ऐइड मुनि मोननै फरसनफोरा कभिड-19 नि सायाव सांग्राथियारि हाबाफारि खुफुडे। मोननैबो फरसनफोरा तामुलपुरनि खमैबो 40 निबो बांसिन गामिफोराव असमीया, बर' आरो सान्थालि रावजों कभिडनि सोमोन्दै गोनांथि जानाय मिथिथाय, बे अलखदिनि समाव लानो गोनां सांग्राथिनि सोमोन्दै गुवारै फोरमायथियो। फरसनफोरा सोद्रोमाफोरा सरसनम्ना राइजो-राजाफोरखौ कभिडनि गिखंथावनि सोमोन्दै गुवारै बुजायनानै होनायजों लोगोसे राइजो-राजाफोरनि गेजेराव माफक, सेनिटाइजोराबो रान्नानै होयो। गामियारि जौगाखां मन्च आरो एक्सन ऐइडनि दालाइ क'अर्डिनेटर हिमासु लहकर, सुनिता बेजबरुवा, मनज तालुकदार, सुमति टुडु, हिमासि दास, क्षमासुन्दर काकतिजों लोगोसे तामुलपुर दखरा फरायसा आफादिनि आफादिगिरि बिपुल दास आरो नेहाथारि प्रान्जल दास मोनहाबो बाहागो लानानै राइजो-राजाफोरखौ कभिड-19नि सोमोन्दै सांग्रां खालामनो नाजायो।

कक्राझारआव ड्रगस सोबग्रा साथाम लाइमोनफोरखौ हमदों

फिसाज्ला केनेडि ब्रह्म (23), बागानशालिनि थागिबि रविन्द्र दैमारनि फिसाज्ला सागर दैमारि (22), तेडपारनि थागिबि रंसारि सचि नार्जारिनि फिसाज्ला गोजोन्थाव नार्जारि (22) होन्नानै सिनायथिनायजों लोगोसे बिसोरनिक्राय ड्रगसजों आवुं गंथाम कन्टेनर, गं 8 लांदां थैमा, गंने सिरिन्ज, नोगोद 15,000 रां आरो गंथाम मबाइल फन बोखानो हादों होन्नानै पुलिसनि सुलुडव फोरमायदों। कक्राझार जिल्ला पुलिसनि उफ्रा पुलिस बिबानगिरि डिएसपि पुनम पेगुआ फोरमायनाय बादिब्ला, कक्राझार पुलिसआ गोखों संदानायनि गेजेरजों थानाय दानथामनि गेजेराव सा 10 ड्रगस सोबग्राफोरखौ हमनो हादों।

गसाइगावआव बि जे पिआ गोसोम सान फालिदों

भारतीय जनता पार्टीया गोसोम सान महरै फालिबोदों। बे गोसोम सानजों लोब्बा लाखिनानै बि जे पिनि आसाम प्रेदसनि बिथोन बायदिदै दिने गसाइगावनि गुमा मन्डल कमिटिया गोसोम सान फालियो। बे हाबाफारियाव गोसोम फिरफिलारखौ बिरहोयो गुमा मन्डल कमिटिनि निलेस्वर रायआ। बेनि अनगायैबो गुमा मन्डल कमिटिनि सिडव थानाय बाबुबिल, आसारकान्द, हारभाज पि चि डि चिनि बुध कमिटिफोराबो गोसोम सान फालिनाय जायो।

समवारनिक्राय आसामनि मोनथाम जिल्ला आरो मोनसे महकुमायाव आवुं लकडाउन

खालामगोन। आसामनि देहा बिफाननि मन्थ्रि केशव महन्तआ दिने खौरं बिजोनि गेजेरजों बे आयदानि बागै फोसावथि होदों। मन्थ्रि महन्तआ फोरमायनाय बादिब्ला, आसामआव हटस्पटनि बिबाड बांनानै 247 सिम जाहेंदों। एरैहाय कामरुप मेट्र जिल्लायाने कभिड-19 नि थासारिआ सिगांनिफ्राय मोजांसिनआव फैनया हिसाबै बे जिल्लायाने कारफिउनि आइनखौ रेजें खालामगोन। सरकारनि थांखि बादिदै कामरुप मेट्र जिल्लायाने फेगौ समवारनिक्राय बेलासि 4.00 रिगानिक्राय अखानायै फुबिलि 5.00 रिगानिसिम कारफिउ आइन सोलिगोन। सिगाडव कामरुप मेट्रआव कारफिउ आइनआ बेलासिनि 2.00 रिगानिक्राय अखानायै फुबिलि 5.00 रिगानिसिमोन। मख'नाय जायोदि, आसामाव थांनाय 24 घन्टा समनि गेजेराव कभिड-19 जों सा 26 सुबुंफोरा जिउ गोमाबावनायजों लोगोसे गोदानै सा 2792 पजिटिभ मोन्नो हाबावदों।

बाक्सानि कुमारिकाता सेसापानीआव सिमला पुलिसनि गोखों अभियान

आलाउद्दिन रहमान आरो सन्जय बसुमतारि होन्नानै सिनायथिदों। मख'जाथावदि, बिसोर हमजानाय साब्रै ड्रगस फालांगिरिफोरनि गेजेराव थुलुंगा बसुमतारिआ बावैसो सिगां जालानाय बिधान सभा बिसायख'थियाव 58 नं तामुलपुर बियाबआव बिपिएफनिक्राय बिजाथि महरै गसनानै बिजेपि दोलोआव हाबहैनया रंजा खुंगुर बसुमतारिनि फिसाज्ला होन्नानै मिबथिनो मोन्दों। सिमला पुलिसआ फोरमायनाय बादिब्ला, बे जाथायनि सायाव मोनसे केस थिसननानै संदानाया सोलिगासिनो। जिल्लायाने ड्रगस फालांगि खालामनायजों लोब्बा थानाय गुबुन सुबुंफोरखौबो हमजोबनायनि थाखाय पुलिसनि नायबिजिनया हाबाफारिआ गोखोडै सोलिगासिनो दड होन्नानै फोरमायथिदों।

बार्तापखिलिआ आसामनि गिबि मन्थ्रि ड॰ हिमन्त बिश्व शर्माखौ मानबाउदों

गिबि मन्थ्रि ड॰ शर्माखौ गांसे मानबिलाइ, बिजाबनि थफला आरो गांसे बिहु गामसाजों मान बाउवो। गिबि मन्थ्रिआ खावलायहरनाय कभिडनि भेक्सिन थुनाय हाबाफारिखौ जाफुंसार महरै दाफामनो थाखाय बार्तापखिलिनिक्राय गिबि मन्थ्रिनि अनसुंथाय फाण्डसिम रांखास्थियारि दान होनायनि अनगायैबो आसामनि सुबुंफोरनिसिम बे हाबाफारिनि बाहागो जानो थाखाय नेहाथारि ब्रजेन्द्रनाथ डेका आरो मावफुं नेहाथारि गपाल जालानआ खावलायहरो।

कक्राझारनि सासे लाइमोनआ इन्डियान बुक अफ रेकर्डआव मुं आवग्रिनो हादों

बाश्रादि, आरिया शर्माया इन्डियान बुक अफ रेकर्डआव कक्राझार आरो बिटिसि हालामनिक्राय मुं आवग्रिनो एबा मुं दैखांजानो हानाय गिबिसिन सुबुं। बिथानि सिगां गुबुन रावबो सुबुड कक्राझारजों लोगोसे दुलाराय बिटिसि हालामनिक्रायनो इन्डिया बुक अफ रेकर्डआव मुं दैखांजानो हाफेराखैमोन। 22 बोसोर बैसोनि आरिया शर्माया 2020 माइथायाव एसआरएम इडनिसिदि, दिल्ली केम्पासिनिक्राय अट'मबाइलआव बिटेक उश्रिसारनाय। मख'जाथावदि, बिथाड बेनि सिगां सोलिफु बोसोरनि सोलिफु जुन दाननि गेजेरावनो बावैसो सिगां बिफां-लाइफां, बिबर आरो मिथिगानि बायदि गाव गोनां समायना सावगारिफोर सेबखानायनि थाखाय एसियान बुक अफ रेकर्डआवबो मुं आर्जिनो हाखांबाय। इन्डिया बुक अफ रेकर्डनि फोरमान बिलाइआ करियरनि गेजेरजों थानाय बृहस्पतिबारखालि आरियानि आखाइसिम सौफेदों। बेनि सिगां आरियानआ मेलनि गेजेरजों इन्डिया बुक अफ रेकर्डनि थाखाय गनायथि जानायनि मेसेजखौबो मोन्नो हादोंमोन। बे जाफुंसारनो हानायव आरियान शर्माजों लोगोसे नख'रनि सोद्रोमाफोराबो गोजोन्नाय आरो गोगानाय फोरमायदों।

चीननि मार्शेल आर्ट स्कुलाव गिखंथाव अर नांनयजों सा 18 सुबुंफोरनि जिउ ख'हा आरो सा 16 जोखोम

बेइजिं, 25 जुन: गेजेर चीनआव थांनाय शुक्रबारखालि गंसे मार्शेल आर्ट स्कुलाव गिखंथाव अर नांनयजों खमैबो सा 18 सुबुंफोर थैयो आरो सा 16 गुबुनफोरा जोखोम जायो। हेनान ओन्सोलनि झे चें काउन्टीयाव शुक्रबारखालि



फुडव अर नाडे। बे अरामानि जाहोनाव नादों बेखौ दासिमबो रोखा जायाखै। सरकारि

सिजिटिएन-टिभिनि रिपोर्टनि बायदिब्ला, शुक्रबारखालि झेचें काउन्टीआव थानाय गंसे मार्शेल आर्ट सेन्टराव अर नांनयजों गासै सा 18 सुबुंफोर थैयो आरो सा 16 जोखोम जायो। आथिखालाव बे अरखौ सामलायनो हाबाय होन्ना खौरं मोन्नाय जादों।

सा 7 टीइउएम उतरखारिफोरनि सायाव एनआइएआ चार्जशीट थिसन्दों

गोदान दिल्ली, 25 जुन: एन आइ एआ टीइउएमनि गेजेरजों खैसार सानायनि दायव पुन्सआव टी इउ एमनि सा 7 उतरखारिफोरनि हेंथायै चार्जशीट थिसन्दों। गासै उतरखारिफोरनि हेंथायै आइपिसिनि धारा 121-ए, 122, आर्म्स एक्टनि धारा 7,25, इक्सप्लसिभ साबस्टेन्स



एक्टनि धारा 3 आरो 4 आरो इउ ए (पि) एक्टनि धारा 18,38, 39 खौ लाफनानै गुबुन गुबुन धायवाव केस थिसन्याय जाबाय। एन आइ एआ कर्टआव चार्जशीट थिसन्यायाव बुंदों सा 7 उतरखारिफोर पाकिस्ताननि थानाय उतरखारिनि इसारा

होनायाव भारतनि हेंथायाव हाबाफारि मावनायखौ

जाफुंहेदों। केस थिसनजानाय उतरखारिफोरनि मुड फारियै महम्मद मुस्ताफा खान, महम्मद यासीन, महम्मद फारुक, महम्मद इबरार, महम्मद जाविद खान, शेर आली आरो महम्मद रफीक।

मख'नो गोनांदि, जाथायनि सोमोन्दै महम्मद मुस्ताफा खाननि एरेस्ट

खालामनायनि एसे सम सिगाडवसो मिथिनो मोनो। जेराव बिथांखौ आयेनारि बेरखा हाबा मावनाय आयेनि हेंथायाव मेन्टर पुलिसा पुन्स जिल्लायाने एरेस्ट खालामदोंमोन। हमजानाय उतरखारिनि ननिक्राय पुलिसा

माखासे बुथारनाय डकमेन्ट्स फायेलफोरजों लोगोसे थर 6 ग्रेनेट बोखानो हादों।

बारग'न'खर मन्थ्रि अनिल देशमुखनि नागपुर आरो मुम्बाइनि न'आव इडिया सिग्रोमदों

मुम्बाइ, 25 जुन : बिबानखौ नागपुरनायनि उनावबो महारास्ट्रनि बारग'न'खर मन्थ्रि अनिल देशमुखनि जेनाया बाडइ जायाखै। मानि लन्डिनि केसआव बेखनजानाय अनिल देशमुखनि नागपुर आरो मुम्बाइयाव थानाय न'आव इडनि हान्जाया सिग्रोमदों।

अओन्सोलाव थानाय न'आव रेड खालाम हैयो एबा खना-खनला सिग्रोहैयो। मिरुनि एजेन्सिआ अनिल देशमुखनि हेंथायै थानाय मे दानाव मानि लन्डिनि केस थिसन्दोंमोन। इडनि बे खना-खनला सिग्रोमनायनि फुरा खौरांखौ रोखायै फोरमायाखै, बेनि सिगां इडिया बृहस्पतिबारआव डिस्पिपि राजु भुजबलनि फिन होनायखौ थिसन्याय जादोंमोन। एप्रिल दानाव सिबिआइआ बे केसआव

देशमुखनि हेंथायै एफआइआर थिसननानै बनि गंत्रेबो न'आव सिग्रोमनाय जादोंमोन। देशमुखनि न'आव सिग्रोमहैनायनि सिगां इडनि हान्जाया शिबाजी नगरआव थानाय सगर भटेवारनि न'आव मावख'जों लोगोसे दाबथाम जायगाफोराव खना खनला सिग्रोमखांबाय। गनायनाय जादोंदि, भटेवारवा देशमुखजों माखासे रांखास्थिनि लेन-देन दमोन।

सलमान खान आरो शाहरुख खानआ एवार्ड श्व'आव गावसोरनि गेजेराव जानाय दावराव-दावसिनि जाहोनखौ फोरमायदोंमोन

गोदान दिल्ली, 25 जून : सलमान खान, शाहरुख खाननि लोगो आरो सुथुर सानलायनाया सावथुन इन्डस्ट्रीआव गोबां खौरांङाव थाबोदों। आथिखालाव माखासे बोसोरनि उनाव बिसोर सानैनि सोमोन्दोआ सरासन्धा जादोंमोन। सलमान आरो शाहरुखनि गेजेरनि बन्डिंखौ 2016 आव स्टार स्क्रीन एवार्डनि जोसांआवबो नुनो मोन्दोंमोन, जेराव बिसोर सानैया जंखायलायनायनि आखुयै बे दावराव-दावसिनि नंगुबै जाहोनखौ फोरमायदोंमोन। भिडियआव शाहरुख खानआ बुंदों, रावबो बेखौ मोनथियादि सलमान आरो आनि दावराव-



दावसिआ माबोरै जायामोन? जौनि दावराव-दावसिया मोनसे फिसा बाश्रानि सायाव जादोंमोन। बेनो जादों जौ सानैनि गेजेराव बयनिखुइबो खुसिसिना सोर? बे बाश्रानि

सिगाडाव फोरमायनो हास्थायदों। मख'नो गोनांदि, शाहरुख आरो सलमाननि गेजेराव 2008 आव केटरिना के फनि जोनोम साननि पार्टिआव माबेबा बाश्रायाव दावराव-दावसिया जादोंमोन। बेनि उनाव बिसोर सानैया माखासे बोसोरसिम लोगोसेये बाश्रा राइजलायाखैमोन। माखासे बोसोरनि उनाव एमएलए बाबा सिदीकनि इफतार पार्टिआव सलमान आरो शाहरुखआ गोदोना गोबालायनानै दावराव-दावसिखौ फोजोबस्रांदों। बेनि उनिनफ्राय

बिसोर सानै सुपारस्टारफोरखौ लोगोसे नुनो मोनबाय थादों। शाहरुखआ सलमाननि सावथुन टयुबलाइटआव के मिय'खालामदोंमोन, फार्सेथिं सलमानआ शाहरुखनि सावथुन वीरआ के मियबो खालामदोंमोन। आथिखालाव सलमानआ शाहरुखनि सावथुन पठानआव स्पे शेल एपीयारे न्स खालामनायनि खौराङ फेदों। फोरमायनाय बायदिबला सलमानआ गावनि टाङ्गार आखुआव पठानआ केभिय खालामगोन।

अजय देवगानआ गोदान सावथुनखौ फोसावदों



गोदान दिल्ली, 25 जून: फावखुंगुर अजय देवगानआ आथिखालाव गावनि गुबुन मोनसे सावथुननि थाखाय खोला भारतीय सावथुननि मुंदांखा बिथोनगिरिजों लोगोसे आखाय मिलायदों। अजयआ हिट तेलेगु सावथुन नान्धीखौ हिन्दीआव रीमेक खालामगोन। बे सावथुनआव बे बोसोरावनो फेब्रुवारीआव रिलीस जादोंमोन आरो गोबां बाङ्गाय जादोंमोन। सावथुनखौ अजय देवगान फिल्मस, दिल राजु प्रडाक्सन्स, कुलदीप राठौड़ आरो परग देसाइआ लोगोसेये बानायगोन। आथिखालाव सावथुननि थाखाय बिथोनगिरि आरो स्टार कास्टआ थि जायाखै। अजयआ बे खौरांखौ सशेल मिडियाव शेयार खालामनानै लिरदों नोंथामोनजों लोगोसे मोनसे गाहाय सल'खौ शेयार खालामनायनि सम फेबाय। दिल राजु प्रडाक्सन्स आरो अजय देवगान फिल्मसआ तेलेगु हिट नान्धीखौ हिन्दीआव रीमेक खालामसिगोन। तेलेगु सावथुन नान्धीखौ डेब्युटेन्ट डायरेक्टर बिजय कनकमेडलाया बिथोन हादोंमोन, जायखौ सतीश वेगसनाया बानायदोंमोन। नान्धीआ क्राइम कर्ट्रम ड्रामा सावथुनआव अल्लारी नरेशआ गाहाय फाव खालामदोंमोन। सल'आ सुय प्रकाशन ट्राइलआ बिथा खालामनाय, जायखौ सासे बुथारनायनि दायआव फाव फान्दायनाय जादों। अजयआ बे समाव फाव खालामनायनि अनगायै सावथुन बानायनायावबो सांग्रां जादों। अजय बानायनाय दा बिग बुलआ डिज्नी प्लास हटस्टारआव रिलीस जाखंआव। बेनि सिगां त्रिभन्नाआ नेटफिलक्सआव फेदोंमोन।

बानायगिरि महरै अजयनि बेयो अटीटी डेब्युमोन। आथिखालआव अजयआ गावनि हम प्रडाकशन सावथुन मे-डेनि बिथोनगिरिबो जादों। बे सावथुनआव अजयजों लोगोसे अमिताभ बच्चन आरो रकुलप्रीतआ गाहाय फाव खालामदों। अजयनि जोबथा सावथुनआ तानाजी दा अनसं वरियर, जाय 2020 नि जागायजेन्नायाव रिलीस जादोंमोन।

दा फेमिली मेन 2 नि 'जेके'नि उन्दै समआ जपरा बस्थियावनो बारलांदों

गोदान दिल्ली, 25 जून: एमेजन प्राइम सीरीज 'दा फेमिली मेन 2' खौ फेन्सफोर गोबां मोजां मोन्दों। राजा आरो डीकेनि वेब सीरीजआ दासिमआव माखासे रिकर्डखौ सिफायदों। श्व'आव मनज बाजपेयी, श्रेया धनवन्तरी, सामन्था अक्किनेनी, प्रियामणि आरो अरलेनाजों लोगोसे गासिबो स्टारफोर गाव-गावनि एक्टिंखौ मोनसे आलादा थाखोसिमआव सौहैहोदोंमोन। साफ्रोमबो फावगिरिफोय गाव-गावनि फावआव गोबां नाजादों। फारसेथिं दा फेमिली मेन 2 वेब सीरीजआव मनज बाजपेयी एवा श्रीकान्त तिवारीनि लोगो जानाय शारिब हाशमी एबा जेकेनि फावखौबो नायगिरिफोरा गोबां मोजां मोन्दों। शरिबआ फोरमायदों दा फेमिली मेन 2 जों गाव जाय सिनायथिखौ मोन्दों, बेनि थाखाय गाव माखासे बोसोरनिफ्राय नाजाबोदोंमोन। सावथुनआव फाव खालामनो खाबु होनायनि थाखाय शरिबआ बे सीरीजनि राइटर राज आरो डीकेनो साबायखर बाउदों।



शरिबआ मोनसे इन्टरभिउआव गावनि जिउजों सोमोन्दो गोनां माखासे बाश्राफोरखौ फोरमायदों। शरिब हाशमीआ बावैसो समाव मोनसे इन्टरभिउआव गावनि जिउजों सोमोन्दो गोनां गोमोथाव बाश्राफोरखौ फोरमायनानै बुंदोंदि, गाव उन्दैनिफ्राय फेन्सफोरनि एक्साइटेमेन्टखौ मोजां मोनथियो। बियो सावथुन नायनो गोबां मोजां मोनो। बियो बुंआवदोंदि, गावनि बिफाया सावथुन जानांलिस्मोन। बियो रॉनि अनगायै सम्मानखौ आरजिदोंमोन। गावसोर

उन्दैनिफ्रायनो मोनसे जपरा बस्थियाव थाबोदों। शरिब हाशमीआ बे इन्टरभिउआवनो आमिरखौ लानानै मोनसे जाफलांनय जाथायखौ फोरमायदों। सावथुनखौ मोजां मोनायनि जाहोनाव बियो सम-सम गावनि बिफाजों लोगोसे शूटिं सेटआव थाडोमोन। फारसेथिं शरिबआ आमिर खाननि गोबां गिदिर फेन। नाथाय बियो आमिरनि जाय सावथुनफोरनि शूटिंखौ नायदों बेफोर गासिबो सावथुनफोर फलप जादों।

गाहाम देहानि राहा

डायबिटिजनि बेमारिफोरा बुटनि दैखौ लोंनो हागोन

गोदान दिल्ली, 25 जून: बुटआ डायबिटिज बेमारिफोरनि थाखाय बान्जायजाथाव। डायबिटिजआ मोनसे एरैबायदि बेमार, जेराव जों जानाय-लॉनायनि सायाव बांसिनै नोजोर लाखिनांगौ जायो। हेल्थ एक्सापार्टफोरा बुंनाय बायदिबला, डायबिटिजनि पेशेन्टआ गावनि शुगार लेभेलखौ जेब्लाबो चेक खालामबाय थानांगौ जायो। मानोना एसे सांग्रांथि गैयैयानो देहाखौ गिदिर ख'हा खालामनो हागौ। मुंदांखा आयुर्वेदिक डाक्टर अबरार मुल्लानिनि बायदिबला, ब्लाड शुगार लेभेलखौ कन्ट्रल खालामनो थाखाय जानाय-लॉनायनि अनगायै मुलि आरो माखासे नख'रारि आदब खायदाखौबो आजावना लानो हागोन। 1. बुटआव कार्ब हाइड्रेट, प्रटिन,



केल्शियम, आयरन आरो गोबां भितामिनफोर मोन्नाय जायो। बेनि जाहोनाव बेखौ जायोब्ला डायबिटिजखौ कन्ट्रल खालामनायाव मदत खालामो। 2. बेनि अनगायै बुटआव एन्टीअक्सिडेन्टआवो गोबां बिबाडै थायो, जायजों ब्लाड शुगारनि लेभेलआ कन्ट्रलै थायो। 3. बुटआव गोबां बिबानि फाइबर थायो आरो फाइबरआव जाग्रा आदार दोगोन जानायाव मदत होयो, जायजों दोगोन तन्त्रआ गाहामे थायो। 4. बारायनाय लिप्रथायखौ कन्ट्रल खालामनायावबो बुटआ गोहोम गोनां जायो। मानोना बुटआव ग्लाइसेमिक इन्डेक्स थायो, जाय उखैनायखौ सामलायना लाखियो आरो बांसिन समावनो उदैखौ बुंनाय मोनो। 5. बुट जानाया मेगनफोरनि थाखायबो गाहाम जायो। बुटआव बि-केरटिन थायो। बे गुणफोरा मेगनफोरनि जिबखिफोरखौ ख'हा जानायनिफ्राय रैखा खालामो।

सुपार 30 नि थाखाय मृणाल टाकुरआ जन अब्राहमनि सत्यमेव जयते सावथुनखौ नागारदोंमोन

गोदान दिल्ली, 25 जून: बलिउड फावखुंग्रि मृणाल टाकुरआ गोबां बाङ्गइ समाव इन्डस्ट्रीआव गावनि थाखाय जायगा बानायदों। टिभि मुलुगनिफ्राय सावथुनआव आगान होनाय मृणालआ 2019 आव मोन 2 माराटो, सावथुनफोरफाव फाव खालामदों, नाथाय बे सावथुनफोरा बिनो सिनायथि होवाखै। बेनि उनाव 2018 आव मृणालनि सावथुन लबस'नियाआ हिन्दी आरो इंग्रजी रावआव रिलिज जादों। बे सावथुनआव मृणालनि एक्टिंखौ गोबां बाङ्गायदों आरो बेनि उनाव फावखुंग्रिया ऋतिक रशननि सावथुन सुपार 30 आव फाव खालामनो खाबु मोनो, जाय पर्दायाव दोहो गोनाडै हिट फोरमान जायो। मख'नो गोनांदि, सुपार 30 आव फाव खालामनो थाखाय मृणालआ जन अब्राहमनि सत्यमेव जयतेनि अफारखौ नेविसगारदोंमोन। बे बाश्रानि खौरांखौ फावखुंग्रिया गावनो होदों। पीपिं मुनजों बाश्रा सावरायनानै मृणालआ फुरा जाथायखौ फोरमायदों। फावखुंग्रिया फोरमायदों सुपार



30 नि हान्जाया मोनथियामोनिद गाव 'लव सनिया' सावथुनआव फाव खालामनायाव। बेनि उनाव गाव सुपार 30 आव मुंसाइ खालामदों। जेब्ला गाव सावथुननि स्क्रिप्टखौ फरायदोंमोन अब्ला गाव गावदोंमोन। गाव शकुन्तला देवीखौ गोबां मोजां मोन्दोंमोन, गाव हमादोंमोनदि बे सावथुननि गेजेरजों गाव जानो हागौ माबेबा नड माबेबा रोखोमै सानखाथिजों सरजाबगोन। नाथाय जेब्ला गाव स्क्रिप्ट फरायदों अब्ला गावना सानखाथिजों जेबो सोमोन्दो गैयामोन अब्ला दुखु जादों आरो गावनावनो सौथि सोदोंदि, 'लव सनिया' बायदि सावथुनआव फाव खालामनायनि उनाव आंनाव बेनि थाखाय गुन गैया नामा? गाव न'आव थानानै सानहैबावदोंदि गाव बेबायदि सावथुननि बाहागो जानो हास्थायो, जाय खुबुननि जिउफोरखौ गोहोम खोखैनो हायो, गथ'फोरखौ थुलुंगांखां होयो। गाव सान्ना लादोंदि, सावथुनआव गाव औरैबायदि सिनखौ होगोन। जायजों सुबुंफोरा साबायखर'होनो बावा।

सबाना आजमीखौ थगाय-नाया जे'नायाव गोग्लैनांदों

गोदान दिल्ली, 25 जून: बलीउड फावखुंग्रि शबाना आजमीआ 24 जूनआव गावनि सायाव जानाय मोनसे फ्रडखौ फोसावदों आरो फोरमायदोंदि, माबोरै मोनसे जौ डिलीभार खालामग्रा एपआ गावखौ थगायदों। फावखुंग्रिआ गावनि टुइटआव कम्पानिनि मुंखौ फोरमायनानै सुबुंफोरनो सांग्रांथि थानायनि सुबुन होदों आरो गावनि फुरा खौरांखौ होदों। गावनि पस्टआव शबाना आजमीआ दाबि दैखांदोंदि, जौ डिलीबारी खालामग्रा एपआव गावनिफ्राय रंभो लांदों। नाथाय जौखौ डिलीबारी खालामाखै, टुइटआव फावखुंग्रिआ पेमेन्टनि फुरा खौरांखौबो होदों। आथिखालाव फावखुंग्रिआ बे फुरा केसनि खौरांखौ मुम्बाइ पुलिस आरो साइबर क्राइमनो होबाय आरो बिनियाव एक्शन लानो दाबि दैखांदों। सुबुंफोरनो सांग्रांथि होनायनि उनाव मुम्बाइ पुलिस आरो साइबर सेलनो टेग

खालामनानै शबाना आजमीआ टुइट खालामदों थारैनो लिविं लिक्विडजनि बिगोमा, जाय आंखौ थगायदों बिखौ मोनथिनो मोनबाय आरो बेखौबो मोनथिबायदि जाय सुबुंआ आंखौ थगायदों बियो फ्रडमोन। जायहा लिभिं लिक्विडजों जेबो सोमोन्दो गैया। आं मुम्बाइ पुलिस आरो साइबर क्राइमनाव बै गाञ्जि आखु दिन्थिग्राफोरनि हेंथायै एक्शन लानो आर'ज गावदों, जाय फालांगि




खालामनायनि मुंखौ गाञ्जि खालामदों आरो जोंखौ थगायदों। बेनि सिगां फावखुंग्रिया टुइट खालामदोंमोन। सांग्रांथियै थानांगौ, आंखौ बै सुबुंफोरा थगायदों। आं रंभो हरदों आरो अडॉरबो हरदोंमोन। आथिखालाव दासिमबो आइटेमआ डिलीबारी जायाखै। लोगोसेनो बिसोरो आंनि फन दिखांनयखौ बन्द'खालामबाय। शबानाया टुइटजों लोगोसे ट्रान्जेक्शननि

खौरांखौबो होदोंमोन। बेनि सिगां बलीउडनि माखासे फावगिरिफोर अक्षय खान्ना, नारगिस फाखरी आरो करण सिं ग्रबारआबो अनलाइन फ्रडनि मैहुर जाखांबाय।

रणबीर कापुरआ तेमुर आली खाननि गिदिर फेन जादों

गोदान दिल्ली, 25 जून : बलिउडनि स्टार किडसनि फेन फलइंआ सोरबा स्टारनिफ्राय बाङ्गइ नड। बे फारिलाइआव बयनिखुइबो गिबियाव करिना कापुर खान आरो सेफ आली खाननि फिसाज्ला तेमुर आली खाननि मुज दड। तेमुरआ मिडियानिफ्राय लानानै ससियेल मिडियासिमआव खारलोबसारनानै थायो। उन्दै नबाबनि मोनसे नुथायखौ नायनो थाखाय सुबुंफोरा उसु-खुथु जायो, फार्सेथिं तेमुरनि बिमाय रणबीर कापुरआबो बिनि गिदिर फेन जादों। मोनसे श्रबेक इन्टरभिउआव रणबीरआ बुंदोंमोनदि, गाव तेमुरनि सावगारिफोरखौ अनलाइन नायबाय थायो। तेमुरनि थाबायनायनिफ्राय लानै बिनि हेयारकाटआ बयनिबो गोसोखौ बोनो हायो। रणबीरआ बुंआवदोंमोन गाव उन्दैयाव तेमुरनिफ्राय खम थाबायोमोन, बै



समाव पेपराजी कालचार नडमोन आरो के मेरा फन गैयामोन। मख'नो गोनांदि, तेमुरनि उन्दै फंबायनि सावगारिखौ सुबुंफोरा बावैसो समाव नुदों, जेब्ला करिनाया गावनि ससियेल मिडिया पेजजों बिनि सावगारिखौ शेयार खालामदोंमोन। आथिखालाव सेफ आरो करिनाया दासिमबो गावनि उन्दै नबाबनि मुंखौ मिडियानि सिगाडाव फोरमायाखै। जानो हागौ बेनि थाखायबो फोसावाखै। मानोना तेमुरनि मुजब बियो ससियेल मिडियाआव गोबां जेनाजों बुगिनांदोंमोन। जायनि उनाव गावसोरनि नैथि गथ'खौ लानानै बियो गोबां सांग्रांजादों। रणबीरआ इन्टरभिउआव बेखौबो बुंदोंमोनदि, गाव गावनि बिमा बिफानि स्टारडमजों लोगोसेनो गावनि मोजां समखौ हगारहरदोंमोन।

आमेरिकाखौ मदत खालामनाय आफगाननि सुबुंफोरनो गुबुन जायगायाव थानायनि राहा खालामदों

वासिंटन, 25 जून : आमेरिकाया गावनि सान्श्रिजों लोगोसे खामानि मावग्रा रोजा रोजा आफगाननि राव दानस्लायगिरिफोर आरो गुबुनफोरखौ गुबुन हादतफोराव थाहो है नायनि थियारि खालामदों। रिपर्टनि बादिब्ला, आमेरिकायाव थाहेंनो थाखाय सुबुंफोरनि आर 'ज गावनायफोरखौ नायबिजिरनाय जादों। बाइडेन खुंथायनि सासे

गागि बिबानगिरिया बे खौरांखौ होदों। बिबानगिरिया फोरमायनाय बादिब्ला, 20 बोसोरसिम सोलिनय दावहानि समाव आमेरिकानि सुबुंफोरखौ मदत खालामनाय आफगाननि नोगोरारिफोर आरो बिसोरनि नख 'रफोरखौ गुबुन हादतफोराव एवा आमेरिकाया थानो मोन्थाय होनायनि थियारिया गोखेयै सोलिगासिनो दं। बिसोरनि आर 'ज गावनायखौ आलादा

खालामना लानाय जादों। अदेबानि आफगाननि नोगोरारिफोरखौ मा बादिब्ला थानो होनाय जागोन बेनि यजनाखौ राइज्योआरि महरे फोरमायनाय जायाखै। बावैसो सिगांआव ब्रिटे इनआ बुंदोमोनदि, बेयो आफगानिस्तानाव सान्श्रिजों गोबाव बोसोरसिम खामानि मावफानाय सुबुंफोरनि थाखाय गावसिनि हादतआव थानो

मोन्नाय राहाखौ गोरलै खालामनो नागिरदों। बुंनय जायोदि, आमेरिकानि सान्श्रिया फेफिन जोबनायनि उनाव बिसोर आफगानि सुबुंफोरनि जिउआ जेनायाव गोखैलौगोन। खौरांनि बादिब्ला आफगानिस्तानाव सान्श्रिजों थाफानाय सा 1400 नि बांसिन राव दानस्लायगिरिफोर आरो बिसोरनि नख 'रआ सिगांआवनो ब्रिटेइनाव थानानै थाहैबाय। ब्रिटेइन सरकारनि खौरां होनाय बादिब्ला, सा 3,000 आफगानि सुबुंफोरा ब्रिटेइनआव फेनो नागिरदों। ब्रिटिस रेखाथि मन्थ्रि बेन वालेसआ बावैसो सिगांआव बुंदोंमोनदि, नाट 'सान्श्रिनि गिदिंबो फिन्नायनि उनाव तालिबाना ब्रिटेइनि सान्श्रिजों खामानि मावनाय सुबुंफोरखौ गग्लोबनो हागौ। बिसोरजों लोगोआव गावसोर दंफायो जायफोरा गावसिनि जिउखौ गियाजासे ब्रिटेइनि सान्श्रिजों मदत होदों। □

मोजां मोनलायना जुलि लानाय ज'राखौ गर 10 गुलि गावदों



गोदान दिल्ली, 25 जून : दिल्लीन द्वारका ओन्सोलाव गोसो थोलायना जुलि जानाय ज'राखौ गुलि गावना बुथारनायनि केसा सोरांआव फेदों। गासै गर 10 गुलि गावनायाव गर 5 गुलिआ आइजोनाव आरो गल 4 गुलिया हौवानाव हा। बो। सन्देह खालामनाय जादोंदि, आइजोनि नख 'रनिआनो बे बादि इनाय अनगार खामानिखौ मोगथां महर होदों। फिसाजोआ गोसो थोनाय सेंग्राजों जुलि जाहैनायनि रागा जॉनानै फिसाजो आरो बिनि फिसायखौ

बृहस्पतिवारनि मोनायाव गुलि गावफेदों। जुलिनि उनाव बिसोरो दिल्लीनि आमराइ गामियाव न'भारा लाना थादोंमोन। सानैनिबो नख 'रआ रगा जॉनानयि थाखाय बिसोरो न'खरजोंबो सोमोन्दो लाखियाखैमोन। पुलिस डिपुटि कमिसनार आ फोरमायदोंदि, गिबि नायबिजिर जेनायाव बेखौ मिथिनो मोन्दोंदि किरणनि नख 'रनि सुबुंफोरा बिसोरखौ आमराइ गामियाव थायो होन्नानै मिथिदोंमोन आरो बिसोरखौ जेनायाव खोलैहैबाय थादोंमोन। किरणनि नख 'रनि सुबुंफोरखौ खारखोमा दं होन्नानैबो खौरां मोन्दों। □

किरणआ सनीपत, हारियानानि थागिबिमोन। बिसोर सानैबो दरसे गामिनिमोन। सानैजों गोसो थोलायनानै नख 'रनि सुबुंफोरा गनायाखै मोन आरो बिसोरखौ गुबुन खालामनो नाजादोंमोन। थानाय बोसोरनि आगस्ट आव सानैजों गामिनिफ्राय खारनानै जुलि लादोंमोन। जुलिनि उनाव बिसोरो दिल्लीनि आमराइ गामियाव न'भारा लाना थादोंमोन। सानैनिबो नख 'रआ रगा जॉनानयि थाखाय बिसोरो न'खरजोंबो सोमोन्दो लाखियाखैमोन। पुलिस डिपुटि कमिसनार आ फोरमायदोंदि, गिबि नायबिजिर जेनायाव बेखौ मिथिनो मोन्दोंदि किरणनि नख 'रनि सुबुंफोरा बिसोरखौ आमराइ गामियाव थायो होन्नानै मिथिदोंमोन आरो बिसोरखौ जेनायाव खोलैहैबाय थादोंमोन। किरणनि नख 'रनि सुबुंफोरखौ खारखोमा दं होन्नानैबो खौरां मोन्दों। □

फल'रिडायाव 12 टालानि भवन गोदोनायाव सासे सुबुंनि जिउ ख'हा, सा 51 आ गोमानानै दड

सर्फ साइड, 25 जून : आमेरिकानि खोला फलरिडायाव लैथोनि खाथियाव थानाय गंसे 12 टालानि भवनआ गोदोनानै सासे सुबुंनि जिउ ख'हा जायो आरो सा 51 गुबुनफोरा दासिमबो गोमानानै दड। आथिखालाव बेयाव बायखोन्दा थुखाफोर बोखारनायाव गोबां दमकल बिफान आरो रेखाथि मावसुमाफोर नांथावनानै दड।



मियामी-डेड काउन्टी कमिसनार सेलो हेमपेनआ बुंनय बायदिब्ला, बिबानगिरिफोरनि भवनआव थाप्रा गोमानानै

थानाय सा 51 सुबुंफोरजों सोमोन्दो लाखिनायाव जाफु'सारनो हायाखै। आथिखालाव सर्फसाइडआव

थानाय भवननिफ्राय सा 35 सुबुंफोरखौ रेखा खालामनो हाबाय होन्ना सासे दमकल बिफाननि बिबानगिरिआ फोरमायदों। सुतुंनि बायदिब्ला, मियामी शहरनिफ्राय बिस्फायन लैथोमा बायनयाने बेरियर दीपनि लैथोमा सेराव थानाय एनक्लेभआव सा 5700 सुबुंफोर थायो। रेखा खालामनो हानाय सा 35 सुबुंफोरनि गेजेराव सानैखो बायखोन्दा थुखानिफ्राय दिहुन्नाय जादों। जायगानि बिबानगिरिफोरजों सावगयनायनि उनाव फलरिडानि गभर्नर रन डेसेन्टिसआ बुडेदि,

बियो जाथय जानाय जायगायाव थानो बिथांखि बानायदों। बेनि गेजेरजों सुबुंफोरखौ गोथाडै दिहुनो हानायखौ मिजिंधिदों। नाथाय जों माखासे गात्रि खौरांबो मोनगासिनो दड होन्ना गभर्नरआ बुंबावदों। मख 'नो गोनादि, चेम्पियन टवर्स साउथखौ थानाय 1981 आव बानायदोंमोन। बेनि दर 130 निखुइ बांसिन ओन्सोलफोरनि गेजेराव दर 80 था ओन्सोलफोरगवल् सुबुंफोर थायोमोन। दासिमबो बे बाभ्राया रोखा जायाखैदि, जाय समाव भवनआ गोदोदों बै समाव बेयाव बेसेबां सुबुंफोर दडमोन। □

रुसआ ब्रिटेननि दावहारु गाथोनखौ बमजों उराय होनो हुमखि होदों

मस्क, 25 जून : कालासागराव ब्रिटेननि दावहारु गाथोन फेनायनि उनाव रुसआ रगा जॉनानै हुमखि होयोदि, जुदि ब्रिटिश नेभिफोरा माबाफोर थुनज्जायनाय हाबाफारि मावोब्ला बिसोर दावहारु गाथोनखौ बमजों उरायहोगोन। रुसनि लेडाइ गुबुन हादतयारि मन्थ्रि सजैड रिक्कबआ रुसनि निउज एजेन्सिनि सिगाडाव बुडोदि, जों बिसोरखौ हारिमायारि नेमखान्थिखौ फालिनो खावलायो। जुदि बिसोर बेबायदि खालामब्ला जों बम होनो हागौ। बेनि गेजेरजों रुसआ दाय जावसिनोदि, ब्रिटेइनआ गोसो जानानै थुनज्जायनाय बायदिये नाइबिजिरासिनो दड। बेजों लोगोसे बिसोर बेनि सोमोन्दै मस्कआव थानाय ब्रिटेइनि रजथान्दै मिथिहोनानै गावसोरनि रगा जॉनानयखौ फोरमायो। बेनि सोमोन्दै ब्रिटेइनि गाहाय मन्थ्रि बरिस जनसनआ बुडे ब्रिटेननि दावहारु गाथोनआ हारिमायारि नेमखान्थिफोरखौ आबुडै फालिगासिनो दडमोन। बे ओन्सोलआ इउक्रे नआव गोखैयो आरो बेयाव बयबो थानायनि मोन्थाय दड। बेरा फारसे रुसआ ब्रिटेनखौ कालासागराव बिसोरनि सिमायाव हाबफेनो



नाजानो नाइ आरो थुनज्जाइनाय नायबिजिरनायनिफ्राय जानगाराव था होन्नानै बुंदों। क्रमलिननि बुंथिगिरि दिमित्री पेस्कबआ बेखौ गोसो जानानै खालामनाय नायबिजिरनाय होन्ना बुंदों। एहैहाय ब्रिटेइनि गुबुन हादतयारि मन्थ्रि डमिनिक रबआ बिसोरनि दावहारु गाथोनाव जेबो फाइरि खालामाखै होन्नानै बुंदों। बेनि गेजेरजों ब्रिटेइनि रेखाथि मन्थ्रि बेन वेलेसआ दावहारु गाथोननि गोजौयाव रुसनि उरां जाहाजआ थाबाय थादों होन्नानै दाय जावसिनोदों। □

सपाहयारि आफडेटआव बुंदों मुलुगयारि थाखोआव आल्फा भेरिएन्टआ दर 170 हादतफोर, बीटा भेरिएन्टआ दर 119 हादतफोर, गामा भेरिएन्टआ दर 71 हादतफोर आरो डेल्टा भेरिएन्टआ दर 85 हादतफोराव गोसारदों। डब्लिउएइचअआ

आबादथिलियाव थानाय लाइमोनखौ गामिनिनो सा 3 सुबुंफोरा जिनाहारि खालामदों

पलवल, 25 जून : हारियानानि पलवल जिल्लानि हथीन थाना ओन्सोलाव सासे लाइमोनखौ साथाम सुबुंफोरनि गेजेरजों जिनाहारि खालामनाय जाथया नुजाथिदों। लोगोसे लाइमोनआ सोरनोबो खिथायोब्ला बुथारनोबो हुमखि होन्नाय जादों। आइजो थाना पुलिसआ भुगिनांग्रानि अजद देखानायनि सायाव दायनिगिरिफोरनि हेंथायै केस थिसनो। पुलिस नायबिजिरग्रा बिबानगिरि सुमित्रानि बायदिब्ला, 20 बोसोर बैसोनि भुगिनांग्राय बेनि सोमोन्दै केस थिसन्दोंदि, थानाय 10 जुननि हरनि 9 रिंगायाव बियो न'निफ्राय



आबाद फोथाराव खामानि मावनो थाखाय थादोंमोन। बे समाव आबादथिलियाव इरशाद, दीनु आरो जफरुखौ

बुथारनो हुमखि होन्नानै जायगानिफ्राय खारो। बेराफासँ मोनसे गुबुन जाथाइयाव गदगुरी थाना ओन्सोलाव गावनि बिमाजों लोगोसे न'नि बाइजोयाव बेरायबाय थानाय लाइमोनफोरखौ जंखायो आरो हेंथा होनायाव बुंनयनि केसा नुजाथिदों। पुलिसआ भुगिनांग्रानयनि अजद दिखानायव बिफा-फिसाज्जानि हेंथायै केस थिसनो। □


इजाइल थान्दै मावख'नि बायजोआव बमा बेरफुनायआव सा 4 फरायसाफोरखौ ग्रेफार खालामदों

गोदान दिल्ली, 25 जून : दिल्ली पुलिसनि स्पेशेल सेलआ बे बोसोरनि जानुवारी दानाव राजथावनि दिल्लीआव इजाइल थान्दै मावख'नि बायजोआव बमा बेरफुनाय 29 जानुवारीयाव इजाइलनि थान्दै मावख'नि बायजोआव सरासन्ना गोहोनि थरसे आइडि बमाआ बेरफुदोंमोन। बे जाथायआव रावबो जोखोम जायाखैमोन। बेवहाय एपिजे आबुल कालाम मार्गआव थानाय थान्दै मावख'निफ्राय खालाम जानाय फरायसाफोरखौ नाजिर हुसेन, जुल्फकर आली बाजिर, एयाज हुसेन आरो

मुजम्मिल हुसेननि महराव सिनायथिनो हादों। बिबानगिरिया फोरमायदों। बिसोर गासिबो फरायसाफोरा लाइखनि कार्गिल जिल्लानि थांग गामिनि थागिबि। लुटिन दिल्लीयाव फरायसाफोरखौ कार्गिलआव ग्रेफार खालामनाय जादों आरो ट्रान्जिट डिमान्डआव दिल्लीयाव लाबोनाय जाबायथ। सा 4 ग्रेफार 150 मिटर गोजानआव बमा बेरफुनायाव माखासे गारिफोरा ख'हा जादोंमोन। □

डेल्टा भेरिएन्टआ दर 85 हादतफोराव गोसारदों

इउएन, 25 जून : डब्लिउएइचअआ बुंदों, करनानि डेल्टा भेरिएन्टआ आथिखालाव मुलुगनि दर 85 हादतफोराव गोसार खांबाय। थाबैनो बेयो माखासे जायगाफोराव सौहै बावनो हागौ। डब्लिउएइचअनि गेजेरजों 22



बुंदों, करनानि जिंगाखौ बांहोनाय मोनब्रे भेरिएन्टखौ गोखोडै-नोजोर होनाय जादों। आल्फा, बीटा, गामा आरो डेल्टा भेरिएन्टआ गोबां गोखैनो गोसारो। डेल्टा भेरिएन्टआ आल्फानि रुजनायाव गोबां गोखैयै गोसारग्रा आरो खैफोद गोनां। □

कपा आमेरिका कापआव ब्राजिलआ कलम्बियाखौ 2-1 जों फेजेन्दों

साउ पाउल, 25 जुन : फुटबलनि मुंदांखा दुर्नामिन्ट कपा आमेरिका कापआव दैदेनग्रा ब्राजिलनि टीमआ देरहा लांगासिनो दं। मोनसे बादायलायनायाव ब्राजिलआ कलम्बियाखौ 2-1 जों फेजेनानै थामथि थाखोआव जायगा आवग्रिनो हादों। कलम्बिया आरो ब्राजिल मोन्नेबो टीमफोरा इयुनि बादायलायनायाव जायगाखौ आवग्रिनो हाबाय। कलम्बियानि थाखाय 10 मिनिटआव लुइस डियाजआ जुआन कुआड्राडजों गलखौ पास खालामदों आरो बेयो गलकिपार बक्सनि खाथिनिफ्राय बासिकिलनि गेजेरजों गल सोनानै ब्राजिलखौ गोमो होदों। बेनि उनाव कलम्बियाआ गोखोडे गेलेनायखौ जागायजेनो आरो हमदांना लानाय जादोंमोनदि, कलम्बियानि टीमआ ब्राजिलखौ फेजेनगोन। नाथाय ब्राजिलनि टीमआ जोबथायाव गरनै गल सोनानै फैफिनो हादों। बेनि गेजेराव नेइमारनि खाथियाव आर्जेन्टिन रेफारिआ नेस्टर पिटानानि हान्थुजों सौग्रावयो। पिटानाआ 78



मिनिटआव कलम्बिया गल पस्तिनफ्राय 10 मिटर गोजानाव दंमोन आरो कलम्बियानि डिफेन्डरआ माखासे समनि थाखाय थाद'यो। नाथाय ब्राजिलनि गेलेगिरि लुकास पाकेटाआ गलखौ रेनान लाडेनो गथायो, जायखौ राबर्ट फार्मानआ क्रस खालामो। फार्मानआ हे डारजों गलखौ सोयो। कलम्बियाआ बेबादिखौ हेंथा होयो। नाथाय 2018 वर्ल्ड

काप फाइनालनि रेफारि जानाय पिटानाआ ब्राजिलनि गल सोनायखौ गनायथि होयो। बेनि उनाव नेइमारआ कर्नार कि कनिफ्राय गलखौ कलम्बियानि गल पस्ट फार्से दैथाय हरो आरो बेवहाय गसनांनै थानाय केसेमिरआ इन्जुरी सम (90+20 मिनिट) आव हेडरजों गल सोनानै ब्राजिलखौ देरहा होयो। गुबुन बादायलायनायाव फेरु आरो इक्वाडरआ 2-2 जों

डु गेलेयो। ब्राजिलआ 9 पइन्ट लानानै गिबि सारियाव थादों। कलम्बियानि मोन 4 मेचफोराव 4 पइन्ट दं। पेरुना 4 पइन्ट, इक्वाडरना 3 पइन्ट आरो भेनेजुएलाना 2 पइन्ट दं।

टकिय अलिम्पिकआव भारतनि गोहो: आसामनि बक्सिं गेलेगिरि लाभलिना बराहेननि मेडेल देरहागोननि सायाव दाबि

गोदान दिल्ली, 25 जुन: गिबि खेबै सा 9 भारतीय बक्सिं गेलेगिरिफोरा अलिम्पिकआव हादतनि जाना दिन्थिफुंगोन, जायनि आसामनि गोखों गेलेगिरि 23 बोसोरनि लाभलिना बराहायआबो दं। बिथाडा अलिम्पिकआव बाहागो लागिरि आसामनि गिबि बादायारि जागोन। हौवाफोरनि थाखोयाव शिवा थाफाया बे थाखोयाव सिगांनो जायगा आवग्रिनो हादों। 65 कि:ग्रा: वेट कटेगिरिआव बादायनो थियारि जानाय लाभलिनाया आथिखालाव मेडेल देरहानायनि थाखाय गोखों हुदा खालामो। बिथांखौ मेडेलनि थाखाय गोखों बादायारि होना मिथिनाय जायो। भारतीय आइजो बक्सिं गेलेगिरिफोरनि गेजेराव दासिमाव एमसि मेरीकमआलनो अलिम्पिकआव मेडेल देरहानो हाबाय। लाभलिनाखौ अर्जुन बान्थाजों सम्मान होनाय जाबाय,



जेराव बिथाडा बे बान्थाखौ मोन्नो हानाय आसामनि उन्दैसिन बादायारिनि फारियाव दं। लाभलिनाया बुंदों, नेसनेलाव जुदि सोरबा बादायारिया गलड मेडेल देरहानो हायो अब्ला सुबुंफोरा बावलाडे नाथाय जेब्ला अलिम्पिकआव गलड मेडेल देरहायो अब्ला बयबो गोसोयाव लायो। आनि थांखिया अलिम्पिकआव हादतनि थाखाय गलड मेडेल देरहानाय। जुदि आं बक्सिंआव

हादतनिफ्राय गिबिये गलड मेडेल देरहानो हायो अब्ला आनि थाखाय खाफाल गोनां जागोन मानोना दासिमावबो अलिम्पिकनि बक्सिंआव रावबो भारतीयआनो गलड मेडेल देरहानो हायाखै। सिगां फारसे बिथाडा बुंदों, जों बिब'-बिनानाव साथाम। गोबाडानो बुडोमोनदि, हिन्जावफोरा जेबो मावनो हानाय नड, नाथाय आनि आइ मामनी बराहेनआ अरायबो एरैबायदि मावनो

थिनोमोन जायनि गेजेरजों बयबो आंखौ गोसोयाव लाखियो। लाभलिनाया गाविनि बिनानाव जावजाफोर-लीचा आरो लीमाखौ नोजोर खालामना किक बक्सिंनि गेलेनायखौ जागायजेन्दोंमोन। बिथाडा फोरमायदोंदि, आनि बिफा टिकेन बराहेनआ सानसे बाजारनिफ्राय खौरं बिलाइआव जुनानै मेथाइ लाबोदोंमोन। खौरं बिलाइआव महम्मद आलनि सोमोन्दै लिस्नाय दंमोन आरो आं बाबानिफ्राय महम्मदनि सोमोन्दै मिथिनो मोन्दोंमोन। बियो आंनो महम्मदनि बक्सिं के रियारनि सोमोन्दै फोरमायदोंमोन। बिनिफ्रायनो आं बक्सिंनि सोमोन्दै मिथिनो मोनो आरो बिनि उनलिफ्राय साइनि सिडाव थानाय आसामनि रिजनेल सेन्टाराव सायख'जानायनि उनाव बक्सिंनि ट्रेनि लानायखौ जागायबोदोंमोन।

टीम इन्डियानि टेस्ट सेम्पियनसिपनि गोदान हाबाफारिखौ मोनथिनो मोन्नाय जाबाय

गोदान दिल्ली, 25 जुन : आइसिसि वर्ल्ड टेस्ट सेम्पियनसिपनि गिबि बादायलायनायाव मोजाडे गेलेनानै फाइनालसिम सौहेनो हानाय भारतीय टीमआ निउजिलेन्डनि हेंथायै मेच गेलेनायआव जेन्नादों। टुर्नामेन्टनि नैथि बादायलायनायाव टीम इन्डिया माबे टीमनि हेंथायै गेलेनांगो, बे बाश्राखौ मोनथिनो मोन्नाय जाबाय। भारतआ 6 टीमफोरनि हेंथायै गासै 19 टेस्ट मेच गेलेनांगौ। भारतआव गिबि सिरिजयाव टीम इन्डियाआ निउजिलेन्डनि हेंथाडेगेलेगोन।



भारतआव इन्लेन्ड, निउजिलेन्ड, साउथ आफ्रिका, श्रीलंका, अस्ट्रेलिया आरो बांलादेशनि हेंथायै गेलेगोन। भारत आरो

निउजिलेन्डनि गेजेराव वर्ल्ड टेस्ट सेम्पियनसिपनि फाइनालनि रिजार्थ डेखौ गेलेनाय जादों। नैथि

बादायलायनायाव बेदिं खालामनानै भारतीय टीमआ 170 रानल' खालामनो हादों। निउजिलेन्डनि सिगाडव टेस्ट क्रिकेटनि बे वर्ल्ड काप फाइनालाव देरहानो थाखाय 139 राननि थांखि होदोंमोन। केप्टेन केन उडिलियमसन आरो रेंगौथि गोनां रस टेलरआ 96 रान बानायनानै टीमखौ 8 उडकेटजों देरहाहोदों। टीम इन्डियाआ इन्लेन्डनि हेंथायै 5 मेचफोरनि टेस्ट सिरिजजों लोगोसे गोदान वर्ल्ड टेस्ट सेम्पियनसिपनि खौ भारतआ बांलादेशजों लोगोसे जागायजेनांगौ। बेनि उनाव

निउजिलेन्डजों लोगोसे नब्रेम्बराव भारतआ 2 टेस्ट मेचफोरनि सिरिजखौ गेलेनांगो। 2022 जानुवारियाव टेस्ट मेचखौ गेलेनो थाखाय टीमआ साउथ आफ्रिकाआव दावबाय हैगोन। बेनि उनाव श्रीलंकानि हेंथायै टीम इन्डियाआ 3 टेस्ट मेचफोरनि सिरिजखौ गेलेगोन। बेनि उनाव अस्ट्रेलियानि हेंथायै टीमआ 4 मेचफोरनि टेस्ट सिरिजखौ गेलेनांगो। वर्ल्ड टेस्ट सेम्पियनसिपनि गेजेरजों गेलेनाय जोबथा सिरिजआव भारतआ बांलादेशजों लोगोसे 2 टेस्ट मेच गेलेगोन।

बिसिसिआइआ आद्रा थानाय आइपिएल 2021 नि थाखाय थियारि खालामनायखौ जागाय जेनबाय



गोदान दिल्ली, 25 जुन : इन्डियान प्रिमियर लीग एवा आइपिएलनि 14 थि सिजननि आद्रा थानाय मेचखौ इउएइआव खुंनय जागोन। बे बाश्राखौ गिबिआवनो फोसाव खानाय जाखंबाय। बेनि जाहोनाव भारतीय क्रिकेट कन्ट्रल बोर्ड एवा बिसिसिआइआ इउएइआव गेलेनो नागिरनाय आइपिएल 2021 नि आद्रा थानाय मेचनि

थाखाय थियारिफोर खालामनायखौ जागायजेनबाय। बिसिसिआइआ इउएइनि सरकार आरो क्रिकेट बोर्डजों लोगोसे करना भाइरास इनफेक्सनजों सोमोन्दो थानाय प्रटकल बानायनायखौ बो जागायजेनबाय। सेप्टेम्बरनि थामथि सप्टाहनिफ्राय अक्टबरसिम गेलेनो नागिरनाय आइपिएल 2021 नि मेचफोरनि

थाखाय थियारिफोर खालामनायखौ जागायजेनबाय। बिसिसिआइआ इउएइनि सरकार आरो क्रिकेट बोर्डजों लोगोसे करना भाइरास इनफेक्सनजों सोमोन्दो थानाय प्रटकल बानायनायखौ बो जागायजेनबाय। सेप्टेम्बरनि थामथि सप्टाहनिफ्राय अक्टबरसिम गेलेनो नागिरनाय आइपिएल 2021 नि मेचफोरनि

हारियाणा सरकार हारिमायारि मेडेल देरहानो हानाय गेलेगिरिफोरनो सरकारि साखि होगोन

चन्डीगड, 25 जुन: हारियाणानि गिबि मन्थि मनहर लाल खाट्टारा राइज्योनि गेलेगिरिफोरनि थाखाय गिदिर फोसावथाय खालामदों। हारिमायारि बादायलायनायाव मेडेल देरहानो हानाय खालामदों। लोगोसे जानो गोनां टकिय अलिम्पिकआव सोरबा गेलेगिरिया राइज्योनिफ्राय गलड मेडेल देरहानो हायोब्ला बिथांनो 6 कौटिरं होनाय जागोन होना फोरमायो। हारियाणानि गेलेमु मन्थि सनदीप सिंआबो सावरायनायाव बाहागो लादोंमोन।

गेलेगिरिफोरनो साखि होगोननि बाश्रा फोरमायदों। हारिमायारि अलिम्पिक सानाव अलिम्पिक मेडेल देरहानो हानाय गेलेगिरिफोरजों सावरायनाय समाव गिबि मन्थि खाट्टारा बेनि थाखाय फोसावथाय खालामदों। लोगोसे जानो गोनां टकिय अलिम्पिकआव सोरबा गेलेगिरिया राइज्योनिफ्राय गलड मेडेल देरहानो हायोब्ला बिथांनो 6 कौटिरं होनाय जागोन होना फोरमायो। हारियाणानि गेलेमु मन्थि सनदीप सिंआबो सावरायनायाव बाहागो लादोंमोन।

फोरेंगिरि महरै थिसन्याय जागोन अब्ला लाइमोन गेलेगिरिफोर बेनिफ्राय गोबां मदत मोन्नो हागौ। राइज्योआव गेलेनायखौ जौगानाय लाबोनो थाखाय नेमखान्थि खालामदों। बेनि जोहै गेलेगिरिफोरनि मेडेल देरहानायनि हिसाबै थाम जौखोन्दो रिजार्थसिनजों सरकारि साखि होनाय जागोन। बिनि अनगायैबो गेलेनायखौ जौगाहोनो थाखाय स्टुडियामफोरव गोदान मुगानि खालामनायजों लोगोसे गुदि बिथाफोरखौ बांहोनाय जादों। गेलेमु मन्थिआ बुंदोंदि, टकिय अलिम्पिकनि थाखाय सा 30 गेलेगिरिफोरखौ सायख'नाय जाबाय आरो गासै गेलेगिरिफोरनो थियारिनि थाखाय 5 लाख राडै रंखान्थिखौ जगायना होनाय जाबाय। बिथाडा अलिम्पिक मेचआव गलड मेडेल देरहानो हानाय गेलेगिरिफोरखौ 6 कौटिरं, सिलभार मेडेलिस्टफोरनो 4 कौटिरं आरो ब्रन्ज मेडेलिस्टफोरनो 2.50 कौटिरं होनाय जागोन होन्ना फोरमायो।

भारतीय गल्फर उदयन मानेआ टकिय अलिम्पिकआव गेलेनो मोनसिगोन



गोदान दिल्ली, 26 जुन : आर्जेन्टानि गल्फर एमिलियान ग्रिलआ टकिय अलिम्पिकनिफ्राय जानागर जानायनि उनाव भारतीय गल्फर उदयन मानेनि लामाआ रोखा जाबाय। ग्रिलनि जायगायाव उदयन मानेआ टकिय अलिम्पिक मेचआव जायगा आवग्रिनो हानायआव जाफुसराय आरो बिनि टकियआव थानो नागिरनायआ थि जाबाय। रेंकिनि बादिब्ला, गिबि थाखोआव थानाय 60 गल्फर आरो क्वालिफाइ जानाय गल्फरआ टकियआव बाहागो लागोन। मुलुगनि 74 नम्बरनि गेलेगिरि ग्रिलआ अलिम्पिक फारिलाइआव आर्जेन्टानि सासेल' गल्फरमोन। आर्जेन्टानि गेलेगिरि फाबियान गमेजनि रेंकिआ 404, जेराव उदयन मानेनि रेंकिआ 354। उदयन मानेआ बुंदों, मावख'यारि महरै खौरं होनायखौ नेनानै दं। आसा खालामनाय जायोदि, बे खौरंखौ थाबैनो मोनगोन। थानाय बोसोराव मोनसे समाव गाविनि गेलेनायआ थि जादोंमोन। नाथाय बेनि उनाव रेंकिआ दावखलायो आरो आं जेबो खालामनो हायाखैमोन। मानोना आं मेचखौ गेलेआखैमोन। बेबादिया जिंगा सिनाय थासारिआव सौहेनाय बादिमोन। नाथाय आं हुदा खालामनायखौ लाखिलांबाय थादों। अनिबान लाहिडीआ गिबिआवनो अलिम्पिकआव जायगा आवग्रिनो हाखांबाय आरो आथिखालाव उदयन मानेआ हौवा थाखोआव जायगा आवग्रिनो हानाय नैथि भारतीय जाबाय।

टकिय अलिम्पिकनि सिगांनो भारतीय एयार सुटिं गेलेगिरिफोरनि गाज्रियै दिन्थिफुनो हानाय अलिम्पिकआव मेडेल देरहानो हागोननि आसाखौ खमायदों

क्रएसिया, 25 जुन: टकिय अलिम्पिकनि सिगां क्रएसियाआव सोलिनाय सुटिं वर्ल्ड कापआव गाज्रियै दिन्थिफुनो हानायजों जानो गोनां टकिय अलिम्पिकनि सायाव मेडेल देरहागोननि फारसे आसा खालामनायव गोहोम फेदों। 10 मिटरनि एयार पिस्टलनि सुटिं खालामनायावल' सौरभ चौधुरीआ ब्रन्ज मेडेल देरहानो हादों, फारसेथि मनु भाकर, इलावेनिल बलाखिन, अभिषेक शर्माआ मेडेल देरहानायव फेलें जायो। सौरभआ 10 मिटरनि एयार पिस्टलाव 581 नि स्करजों क्वालिफाइ जानो हानायनि उनाव फाइनालनि बादायनायाव



220 फइन्टल' स्कर खालामनो हायो। अभिषेक शर्माआ 179.3 पइन्टजों 5 थि जायगायाव फेनो हायो जेराव बिथाडा क्वालिफाइ आव 581 स्कर खालामनो

हादोंमोन। आइजोफोरनि 10 मिटर एयार पिस्टलाव टकिय अलिम्पिकआव गलड मेडेल देरहागोननि आसा खालामजानाय मनु भाकर 7 थि जायगा आवग्रिनो

हायो। बिथाडा फाइनालाव 137.3 स्कर खालामनो हायो। फारसेथि इलावेनिला 10 मिटरनि एयार राइफलनि फाइनालाव जायगा आवग्रिनो हायाखै। गुबुन फारसेथि हौवाफोरनि थाखोयाव एसरिया प्रटाप सिंआ 7 थि जायगायाव जायगा आवग्रिनो हायो। बिथाडा फाइनालाव 143.9 स्करल' खालामनो हादों। मख'नो गोनांदि, दीपक कुमार आरो दिबाश सिं पनबारआ क्वालिफाइ राउन्डनि सिगांनो बादायनायनिफ्राय जानागराव थानादों। दीपकआ क्वालिफाइ राउन्डआव 14 थि आरो पनवार 25 थि जायगानि सारियाव फेदोंमोन।